

黃帝內經素問注證發微

黃帝內經素問註證發微序

內經素問註證發微者吾甥馬子  
所撰也內經昉于軒轅業青囊者  
靡不祖述之而傳註未明輒舉一  
君二臣三佐五使之說而弁髦之  
自謂奴僕長桑衙官和扁至叩以

經絡營衛關格司天在泉南北政  
諸義則束手還矣嗟乎內經與十  
三經並垂于世假令今世學士大  
夫不得十三經註疏而欲持管窺  
蠡測之見揚摧聖謨人誰信之而  
又奚裨于世用且也內經之生全

民命其功不啻如十三經之啓植  
民心而惡可無註證以表章之我  
國家內設太醫院外設惠民局。

聖祖之所以壽國脉壽元元者意至  
殷重也而內經一書自唐王冰註  
後卒寡無聞余嘗演獵方書得

內經讀之恨其無註暨得冰所註  
讀之而復恨其註之未詳未嘗不  
掩卷嘆也吾甥馬子少游諸生間  
久躡場屋患弱疾從季父刺史白  
年君命更醫二更精也名蓋藉二  
聞諸侯矣歎慨軒轅之旨不能炳

如日星判若淄澠而按方泥經之  
夫每忘本根而攻枝葉以致失  
于膏肓于天地之和為害匪小遂  
研精覃思旁引曲喻積有歲月爰  
成斯編其于經絡營衛關格脉體  
司天在泉南北政諸象了然掌上

而按方泥經之夫賴以指南異日者

聖天子詔求海內異書以脩石室之藏則此書之大有功于民生稱不朽業無疑矣余惜其不能及之久遠也廼僉工鋟梓以廣其傳并為

之序以弁其首云

皆

大明萬曆十四年冬十月吉日

賜進士第嘉議大夫

南京兵部右侍郎前奉

勅總理糧儲提督軍務巡撫應天等



府地方都察院右副都御史山陰  
古林王元敬書

黃帝內經素問註證發微序

余覽睹黃帝書而知醫之通天地四時  
五行也非天下之至神孰與焉夫人神  
氣之所游行出入為五臟六腑為二十  
七氣三百六十五會提之以無間入有  
間微渺茫忽不可循也矧之虛寔以質  
異情性以目感風氣以變生其實殊矣

非懸悟神解與道合真忝伍於消息盈  
虛之數而後假湯液湔浣礪石抗熨之  
生道不逾遠乎肯晦言湮則以學人不  
達作者之意務蠡測而闡幽之義舛也  
大都黃帝內經素問靈樞諸篇皆以九  
為數目而九之其數八十一則黃鍾所  
繇起也蓋黃鍾為天地之中數陽之生

生不息始基于此聖人以之吹律應氣  
而天地訢合蟄虫昭蘇煦妪覆育以立  
萬物之命則中之為也夫醫生道也陽  
生理也九九者生之數也化不闕而民  
不札則天人之道歸焉矣竊恠後之剖  
繹其義者人人殊自用者以決裂為真  
詮鹵莽者以標獵為宗旨妄意牽合而

謬迷千里聖人之精意天地之大德將  
安寄之此仁人之所隱也馬君玄臺博  
綜玄討越有年所恍若晤神聖而有得  
廼緣類為章釐為九卷言氣圖系焉  
將以察天道而審人官也迺其註以明  
義釋以宣隱蓋章々淵懿矣古往者所  
為噓吸鬼神造化者如揭日月而

中天匪君其疇成之世之考鏡者緣斯  
以窺神明之蘊上焉者生生以壽天下  
下焉者生生以尊其生孰非君為之嚆  
矢哉然君恒以此得忌曰瑕疵之太史  
公之傳倉扁不曰女無美惡入宮見妬  
乎倉扁故自不朽也君能為倉扁儻亦  
有為太史公之言者

萬曆丙戌秋日華亭林下人馮行可書于不染齋

校正庠友

華亭晴陽張重華

少明朱有光

紫庵宋懋澄

五陽宋懋楫

校正門人

華亭石張

漢水張祖棧

景弦劉漢儒

姪景為馬文遠

吳江穀貽黃撫謙

山陰冲宇柳宗模

世醫懷浦趙詔

黃帝內經素問註證發微篇目

第一卷

上古天真論一

四氣調神大論三

生氣通天論三

金匱真言論四

陰陽應象大論五

陰陽離合論六

陰陽別論七

靈蘭秘典論八

六節藏象論九

第二卷

五藏生成論十

五藏別論十一

異法方宜論十二

移精變氣論十三



湯液醪醴論十四

玉版論要篇十五

診要經終論十六

脉要精微論十七

平人氣象論十八

第三卷

玉機真藏論十九

三部九候論二十

經脉別論二十一

藏氣法時論二十二

宣明五氣篇二十三

血氣形志篇二十四

寶命全形論二十五

八正神明論二十六

離合真邪論二十七

第四卷

通評虛實論二十八

太陰陽明論二十九

陽明脈解篇三十

熱論三十一

刺熱論三十二

評熱病論三十三

逆調論三十四

癰論三十五

刺癰論三十六

第五卷

氣厥論三十七

欬論三十八

舉痛論三十九

腹中論四十

刺腰痛論四十一

風論四十二

痺論四十三

痿論四十四

厥論四十五

第六卷

病能論四十六

奇病論四十七

大奇論四十八

脉解篇四十九

刺要論五十

刺齊論五十一

刺禁論五十二

刺志論五十三

鍼解論五十四

第七卷

長刺節論五十五

皮部論五十六

經絡論五十七

氣穴論五十八

氣府論五十九

骨空論六十

水熱穴論六十一

調經論六十二

繆刺論六十三

第八卷

四時刺逆從論六十四  
標本病傳論六十五

天元紀大論六十六  
五運行大論六十七

六微旨大論六十八  
氣交變大論六十九

五常政大論七十  
六元正紀大論七十一

刺法論篇七十二

亡今另本素問遺篇有此與後篇連

第九卷

本病論篇七十三

云補同前

至真要大論篇七十四

著至教論七十五

示從容論七十六

疏五過論七十七

徵四失論七十八

陰陽類論七十九

方盛衰論八十

解精微論八十一

附補遺

黃帝內經素問註證發微卷之一

大明太醫院正文 會稽庠生玄臺子馬聯仲化註證

兄舉人梅梁子馬蘊仲易素校

素問者黃帝與岐伯鬼臾區伯高少師少俞雷公六臣  
平素問答之書卽本紀所謂咨於岐伯而作內經者是  
也此書出於岐伯者多故本紀不及諸臣耳本紀云帝也  
以人之生也負陰而抱陽食味而被色寒暑盪之于外  
喜怒哀之干內天昏幽札君民代有乃上窮下降察五  
氣立五運洞性命紀陰陽咨於岐伯而作內經全元  
起謂素者本也乾繫慶以素爲太素以素問爲問味素  
義俱然此素問八十一篇而復有靈樞八十一篇大抵  
素問所引經曰俱出靈樞則靈樞爲先而素問爲後也

後世重素問而忽靈樞求素問而書中止以天師夫子失精要以致學無本源醫多庸下

尊岐伯鬼史區而其餘諸臣未聞其以是稱見上古天

運行大論等篇按五運行人論岐伯曰雖鬼史區其

上候而已猶不能編明靈樞陰陽二十五人篇岐伯曰

雖伯高猶不能明之則諸至雷公則自名曰小子細子

黃帝亦有訓之之語意者所造未及諸臣而年亦最少

歟如著至教論已下七篇皆有訓之之語且其曰公曰

伯曰師似皆以爵稱之即如寶命全形論有曰天子紀本

亦云推軒勝代曰君王移精變氣論五常政大論靈樞

官能篇皆稱曰聖王著至教論疏五過論有封君侯王

靈樞根結篇有王公大人等稱則其為爵無疑也至於

鬼吏區少俞伯高皆諸臣名耳。後世程子謂出于韓諸公子之手。或謂先秦儒者所作。是皆泥于爵號文字而未繹全書。故臆說有如此者。廼今詳考六節藏象論天元紀大論五運行人論六微旨六論氣交變大論五常政大論六元正紀大論至真要大論等篇。則論天道曆法萬象人身經絡脉體人事治法辭古理微。非子書中有能偶及雷同者。真唯天神至聖始能作也。愚意上天以仁愛斯民爲心。而伐命惟病治病惟書。然玄默無言。故挺生神聖以代之言。而蚤出此書以救萬古民命耳。況六書制自伏羲。外紀云。天下義理必歸六書。醫藥始于



神農

本紀云民有疾病未知藥石炎帝始味草木之性察其寒溫平熱之性辨其君臣佐使之義一日而

遇七十毒而化之遂作方自伏羲以至黃帝千有餘書以療民疾而醫道立焉

年其文字制作明甚外紀本紀俱載黃帝紀官舉相明

曆作樂制為衮冕舟車畫野分州經土詒井播百穀制

城郭凡爵號文字時已咸備按白虎通曰黃帝始作制

世切變胡稱黃帝之世實為文明之漸歷金天高陽高辛諸氏又經三百

四十餘年如迄陶唐則諸凡制作人知唐虞為盛而不

知肇自羲黃其所由來者漸也何獨內經之作史書靈

素均誣乎哉至春秋時秦越人發為難經誤難三焦等

術關格悔經之始晉皇甫謐次甲乙經多出靈樞義未

闡明唐寶應年間啓玄子王冰有註隨句解釋逢疑則  
默章節不分前後混淆元滑伯仁讀素問鈔類有未盡  
所因皆王註惟宋嘉佑年間勅高保衡等校正深有裨  
于王氏但仍分二十四卷甚失神聖之義按瓊園藝文  
志曰黃帝內經十八卷素問九卷靈樞九卷乃其數焉  
又按素問離合真邪論黃帝曰夫九鍼九篇夫子乃因  
而九之九九八十一篇以起黃鐘數焉大都神聖經典  
以九爲數而九九重之各有八十一篇愚今析爲九卷  
者一本之神聖遺意耳竊慨聖凡分殊古今世異愚不  
自揣而僭釋者痛後世槩聞此書而蠡測之以圖萬一

之小補云耳。知我罪我。希避云乎哉。

上古天真論第一

內言上古之人。在上有者。自然知道。在下者。從教以合于道。皆能度。歲乃去。惟真人壽同天地。正以其全天真故也。此名篇篇內九言道者五。乃全天真之本也。後篇倣此。

昔在黃帝。生而神靈。弱而能言。幼而徇齊。長而敦敏。成而

卷天

按生而神靈四句。與史記同。其成而終。則曰成而聰明。又見大戴禮文家語五帝德篇。孔子曰黃帝生而神靈弱而能言。若唐齊國帝切。長上声。敦誠信。長而聰明。徇徐問切。長上声。

此總述黃帝始末之辭。按史記黃帝。姓公孫。名軒轅。有

熊國君之子。

按黃帝母曰附婁。或曰附婁。見大戴禮。坤斗。按星感而移。至二月。四月而生。帝于軒轅。

之丘。因名軒轅。今關中。前所刻。易曰。陰陽不測之謂神。本經天

元紀大論鬼吏區亦云然靈者隨感而能應也

正義曰言神異

也書云人惟萬物之靈故曰神靈

索隱曰弱訓幼弱時也蓋未合能言

之時而黃帝卽言所以爲神異也

潘岳有京朝子篇鄭其子未七旬曰弱鄭

裴俱訓曰狗疾狎速言聖德幼而疾速也敦信也敏達

也正義曰成謂年十五冠時成人也

愚按正義以十五爲成則不宜曰登

天若訓爲道之成則登天亦或有之世傳黃帝鑄鼎

成有龍垂髯下迎帝騎龍上天群臣後宮從者七十餘人小臣不得上悉持龍髯攀援隨之仰攀莫及抱弓而

號因名其地曰鼎湖弓曰烏號群臣葬衣冠于橋山墓

廼問于天師曰余聞上古之人春秋皆度百歲而動作不

衰今時之人年半百而動作皆衰者時世異耶人將失之

耶。

天乃至尊無對之稱。而稱之爲師。又曰天師。帝之尊。岐伯者如此。度越也。尚書洪範篇以百二十歲爲壽。則越百歲矣。

岐伯對曰。上古之人。其知道者。法于陰陽。和于術數。飲食有節。起居有常。不妄作勞。故能形與神俱。而盡終其天年。度百歲乃去。

此言上古之人。所以春秋皆度百歲。而動作不衰者。非但以其時世之異。實由于人事之得也。道。大道也。天地萬物之所同具也。以此道而修之于身。則謂之脩養之。

道脩道而有得于心則又謂之德德之義第五節見術數者脩

養之法則也上古之人為聖人而在上者能知此大道

而脩之法天地之陰陽調人事之術數術數所該甚廣如呼吸飲食

四氣調神論養生養長養收養藏之道生氣通天論陰平陽秘陰陽應象大論七損八益靈樞本神篇長生久

視本篇下大飲飲食則有節起居則有常而不妄作勞

故有此形則有此神而盡終其天年越百歲乃去也推

天年篇云血氣已和營衛已通五藏已成神氣舍心魂魄畢具乃成為人即形與神俱之義也

今時之人不然也以酒為漿以妄為常醉以入房以欲竭

其精以耗散其真不知持滿不時御神務快其心逆于生

樂起居無節故半百而衰也樂音

此言今時之人年半百而動作皆衰者。非但以其時世之異實由于人事之失也。凡物之有漿者味甘而美。如皆各有漿彼則以酒爲漿異于上古之人。飲食有節者矣。以妾爲常異于上古之人。不妄作勞者矣。醉以入房以情慾而竭其精。以竭精而耗散其真。當精滿之時不知持之。五藏別論岐伯曰。五藏者藏精氣而不瀉故實而不滿。觀此則腎藏主藏精。六府者傳化物而不藏故實而不滿。觀此則腎藏主藏精。吾形有神不時時御之。義觀務快其心而恃夫養生之樂。其起居則無節。又異于上古之人。起居有常者矣。所以年半百而衰不能如上古之人。春秋皆度百歲而動作不衰也。

夫上古聖人之教下也。皆謂之虛邪賊風。避之有時。恬憺  
虛無。真氣從之。精神內守。病安從來。是以志閒而少慾。心  
安而不懼。形勞而不倦。氣從以順。各從其欲。皆得所願。故  
美其食。任其服。樂其俗。高下不相慕。其民故曰朴。是以嗜  
欲不能勞其目。淫邪不能惑其心。愚智賢不肖。不懼于物。  
故合于道。所以能年皆度百歲而動作不衰者。以其德全  
不危也。恬音甜。澹淡。同樂音洛。

此言上古聖人教下有法。而在下者從之。故皆能度百  
歲而不衰也。上文言上古聖人自然知道。故能度百歲  
乃去矣。其所以教下者有曰。太一居九宮之日。有虛邪



賊風當避之有時

按靈樞九宮八風篇云凡從其所居

衝後來為虛風傷人者也主殺主害者雖候虛風而篇

之故聖人曰避虛邪之道如避矢石然又刺節虛邪篇

有虛邪之中人也等語虛邪入則指虛為在人者非恬怡

但指風言王註言邪從虛入則指虛為在人者非恬怡

而靜虛無而空觀老子清靜經云內觀其心無其物外

三者既悟惟見于空觀空亦空空無所空所空既無

無亦無無無既無無然常寂寂無所寂然豈能生慾既

不生即是真靜真常應物真常得性常應則真氣自順

常靜常清靜矣此乃萬世既空之妙旨也

精神內守病何從來是以志閒而少慾心安而不懼形

雖勞而不倦氣隨以順各從其欲皆慰所願故為下者

能率從此教而不悖也

有所服則任用之而不求其華與風俗相安相樂而不

行疑忌高者不陵下。下者不援上而不出位以相慕其  
民誠曰朴。是以嗜慾不能勞斯民之目。淫邪不能惑斯  
民之心。雖有愚智賢不肖之異而皆能不懼于外物。故  
與在上聖人所知之道亦相合焉。所以能年皆度百歲  
而動作不衰者。正以其德全而不危也。蓋脩道而有得  
于心則德全矣。危者卽動作之衰也。

帝曰。人年老而無子者。材力盡耶。將天數然也。

材力。材幹力量也。天數。凡人所稟于天之數也。觀下文  
所對。則係于材力可知矣。蓋年老則無子。豈盡關于天  
數也。

岐伯曰。女子七歲。腎氣盛。齒更髮長。二七而天癸至。任脉  
通。太衝脉盛。月事以時下。故有子。三七。腎氣平均。故真牙  
生而長。極四七。筋骨堅。髮長極。身體盛壯。五七。陽明脉衰。  
面始焦。髮始墮。六七。三陽脉衰于上。面皆焦。髮始白。七七。  
任脉虛。太衝脉衰少。大經竭。地道不通。故形壞而無子也。

更平聲任  
如林氏

此與下節言男女之年老無子者。由于材力之盡。非皆  
天數使然。而此一節。則先以女言之也。女子先天之氣。  
方父母交媾之時。陽氣不勝其陰。則為女。陰中有陽。其  
卦象坎。血腎書謂陽精先合陰血後成。極氣來助精則  
其義甚明。大

子為陽氣不勝其陰氣則為女按悟真篇等書稱女惟陽  
 精蘊畜于內至七歲乃少陽之數其腎氣始成仙經云  
 腎主骨齒亦屬骨故齒亂更生家語本命篇孔子曰女  
 齒二七而有髮為血餘故髮亦漸長二七則天癸自至  
 天癸者陰精也蓋腎水癸亦屬水由先天之氣畜極  
 而生故謂陰精為天癸也按王冰謂天癸為月事者非  
 今王註以女子之天癸為血則男子之天癸亦為血耶  
 易曰男女媾精為胎化生故交媾之時各有其精而行  
 經之際方有其血不問交媾之時可以血言廣嗣要語  
 諸書皆謂精開累血血開聚精者亦非經脈決氣篇云  
 兩神相搏合而成形常先身生是謂精者是也但女子  
 之精以二七而至而其月事亦與此時同候如下文所

云平或有男女先一七二八而任衝二脉者奇經八脉  
指至者皆斷矣我然從取天耳任衝二脉者奇經八脉  
之二也見論任主胞胎衝為血海今二脉俱通月事應  
時而下月事者月經也每月有事故日月事以其有常  
故又日月經經者常也注起于胞中五脉篇云衝脉任脉  
為血之海又云為十二經之海又曰血海有餘則常想  
其身大慍然不知其病也其血所流之海不見亦常想  
然不知其病如月之血衝相似然常如血之行而空至七  
後而常滿如月之血衝相似然常如血之行而空至七  
經皆然非特血海之衝也故始得行耳有餘以十二  
有太衝穴而此篇所指實指衝脉言乃骨空論所謂衝  
脉者起于氣衝者也注八音論二才之有以此太字而達衝  
所經之穴名也注八音論二才之有以此太字而達衝  
脉有餘故女子有月事之至千天地位之陽氣則人  
脉有餘故女子有月事之至千天地位之陽氣則人  
者有餘故女子有月事之至千天地位之陽氣則人  
者有餘故女子有月事之至千天地位之陽氣則人

夫似脂。君子雖正。人則多。美事之成。難于及。精血。事皆可知矣。有斯此。斯民之責。有當為之惕然。精血盛如此。其有子也。宜矣。三七腎氣平均。故牙之最後生者。名曰真牙。由此而生。且長極矣。四七肝主筋。腎主骨者。皆堅。髮長極身。體壯盛。五七陽明脉衰。面始焦。髮始墮。女子大體有餘于陰。不足于陽。故其衰也。自是陽明始。蓋以胃為六府之長。其脉上行于頤。故面焦髮墮也。靈樞經脉篇黃帝曰。胃足陽明之脉。起于鼻之交頤中。下循鼻外。上入齒中。還出俠口。環唇。交承漿。却循頤後廉。出大迎。循頰車。下頸。前六。七則手之三陽從手走頭。過客土人。循髮際。下頤頤。足之三陽從頭走足者。皆衰于上。故面皆焦。髮始白。七七任脉虛。太衝脉衰。少天癸已竭。應前夭矣。至而宮地。

道不通地道者。坤也。不通者。月事止也。應前月事以時下而言。至是而形體衰壞。不能有子矣。

丈夫八歲。腎氣實。髮長齒更。二八腎氣盛。天癸至。精氣溢。無陰陽和。故能有子。三八腎氣平均。筋骨勁強。故真牙生而長。極四八筋骨隆盛。肌肉滿壯。五八腎氣衰。髮隨脫。稿六八陽氣衰竭于上。面焦。髮鬢頒白。七八肝氣衰。筋不能動。天癸竭。精少。腎氣衰。形體皆極。八八則齒髮去。腎者上水。受五藏六府之精而藏之。故五藏盛。乃能駕。今五藏皆衰。筋骨解墮。天癸盡矣。故髮鬢白。身體重。行步不正而無子耳。

子耳。

煩理同解。煩同。

此則以男言之也。男子先天之氣。方父母交媾之時。陰

氣不勝其陽。則成男。陽中有陰。其卦象離。九腎書謂

後衛。從氣來乘。血開裂。精陰外陽內。則成坎卦。而為男。

其義亦明。大約陰氣不勝其陽。氣則為男。九指真精。

等者。稱男。上為女子者。以惟陰精蘊畜于內。至八歲

乃少陰之數也。腎氣始實。髮長齒更。家語云。男子八月

二八十有六歲而化。二八腎氣已盛。天癸始至。天癸者。陽精也。蓋

男女之精。皆主腎水。故皆可稱為天癸也。惟精氣溢焉。

故陰陽之精一和而遂能有子矣。三八腎氣平均。筋骨

勁強。故真牙生而長極。四八筋骨隆盛。肌肉滿壯。五八



其衰也。自是少陰始。六八陽氣衰竭于上。面皆焦。髮鬢

頽白。

手經三陽從頭走足。男女皆同。

七八肝氣已衰。筋不能

動。天癸竭。精已少。腎藏衰。形體皆極。八八則精血俱衰。

齒髮皆去。夫腎者屬水。主受五藏六府之精而藏之。五

藏盛。乃能寫。今五藏皆衰。筋骨懈惰。天癸盡矣。故髮鬢

白。身體重。行步不正。而無子耳。然則男女之老而無子

者。皆由于林力之盡。非由于天數之適值也。若少而無

子者。則謂之天數斯可矣。

帝曰。有其年已老而有子者。何也。岐伯曰。此其天壽過度。

氣脉常通。而腎氣有餘也。此雖有子。男不過盡八八。女不

過盡七七而天地之精氣皆竭矣。

此言年老而有子者正以其天壽過度氣脉常通而腎氣有餘也。夫曰年老有子則雖八八已後亦能有子也。然此等之人雖或有子。大畧天地間之爲男者不過八八之數。爲女者不過七七之數。而天地所稟之精氣皆竭矣。能如此等之有子。能不亦少乎。精氣者天癸也。王

以爲所生之男女其壽止千八百七十七之數者非。

帝曰。夫道者年皆百數。能有子乎。岐伯曰。夫道者能却老而全形。身年雖壽。能生子也。

上文言年老者不能生子。又有年老而有子者。皆主平

人而言。帝遂以脩道而年皆百數者。問其能生子否。蓋承第三節第五節之在上在下者而言也。伯言上古之世。其在上者知道在下者合道。皆能却老而全形。非若平人之年老而形體皆極者。比其身年雖過百歲。亦能生子而無疑也。

黃帝曰。余聞上古有真人者。提挈天地。把握陰陽。呼吸精氣。獨立守神。肌肉若一。故能壽敝天地。無有終時。此其道生。

此下四節。帝述其素所聞者而言之也。帝言上古之世。有等曰真人者。不待于修。而此真渾然全具。故謂之真。

人也。天地陰陽真人與之合一，故能提挈天地，把握陰陽，呼吸已之精氣，一如天地之默運也。獨立守神，一如天地之存主也。無少無老，肌肉若一。天地此無極，則真人亦此無極。相與同敝，無有終時。蓋道不變，故天地亦不變。真人之有道如此，其生同天地也宜矣。六微旨大論曰：與道合同，惟真人也。

中古之時，有至人者，淳德全道，和于陰陽，調于四時，去世離俗，積精全神，游行天地之間，視聽八遠之外，此蓋蓋其壽命而強者也，亦歸于真人。

中古有至人者，至極之人也。方盛衰論中淳德全道者。

其德淳而不漓。則道自全矣。和于陰陽。調于四時。去世  
離俗。志異于人也。積精全神。亦獨立守神之意也。惟神  
既全。則形自固。遊行天地之間。視聽入遠之外。此蓋益  
其壽命。而身自強固。所以遊行視聽者。以此。亦與真人  
同歸耳。

其次有聖人者。處天地之和。從八風之理。適嗜欲于世俗  
之間。無患嗔之心。行不欲離于世。被服章舉。不欲觀于俗。  
外不勞形于事。內無思想之患。以恬愉爲務。以自得爲功。  
形體不敝。精神不散。亦可以百數。患於世  
音念切

上言至人與真人同歸。則太上者。下此而有聖人。又下

此而有賢人。故皆曰其次。言中古有聖人。堦天地之

和順八風之理。

天義見靈樞九宮八風篇

有所嗜欲。與世俗相安而

無患嘆之心。行同于世。服同于時。以道而同也。舉動不  
觀于俗。以道而異也。外不勞形于事。內無妄想之患。以  
恬憺愉悅爲要務。以悠然自得爲已功。故形體不敝。精  
神不散。其壽亦可以百數也。此猶第三節言上古之知  
道者耳。上文言至人遊行天地之間。視聽八達之外。而  
聖人不然。故不及至人者以此。

其次有賢人者。法則天地象似日月。辨列星辰。逆從陰陽  
分別四時。將從上古。合同于道。亦可使益壽而有極時。從

切劣

下此有賢人者。法則象似。皆仰稽之意。法天地日月自然之運。辨列星辰之位。逆順以推陰陽之數。陰陽昔云。從甲子起。以乙丑為次。順數之。此下甲子。從甲子起。以癸酉為次。逆數之。此之謂逆從也。分別四時之氣序。蓋占天道以盡人事也。此猶第五節言上古之為下者。合同于道。故曰。將從上古。合同于道也。亦可使益其壽。而比之至人聖人。則有所終極焉耳。

四氣調神大論篇第二

此篇應是岐伯所言。發前篇

秋冬四時異氣。當有善養生長收藏之道。及聖人春夏養陽。秋冬養陰。皆調神之要。故名篇凡

言道者

春三月。此謂發陳。天地俱生。萬物以榮。夜卧早起。廣步于庭。被髮緩形。以使志生。生而勿殺。予而勿奪。賞而勿罰。此春氣之應。養生之道也。逆之則傷肝。夏爲寒變。奉長者少。

以巳同長  
上聲後同

此以下四節言當隨時善養也。正二三月。春之三月也。

陽氣已生。最能發生而敷陳之。故氣象謂之發陳也。

五

政大論篇謂之啓敷。敷與陳同。據下文蕃秀。容平等義。當以氣象言。當是之時。天地以生

物爲德。萬物榮茂。吾人于此。當有善養之術。其卧則夜

其起則早。以陽氣正舒也。起而廣步于庭。以布夜卧之

氣。被髮而無所束。緩形而無所拘。使志意于此而發生。



其待物也。當生則生之而勿之殺。當與則與之而勿之奪。當賞則賞之而勿之罰。凡若此者。蓋以春時主生。皆以應夫春氣而盡養生之道也。否則春屬木。肝亦屬木。逆春氣則傷肝木。而肝木不能生心火。至夏之時。有寒變之病。寒變者。水來侮火。爲寒所變也。豈不少氣以迎心藏欲長之氣哉。奉之爲言迎也。

夏三月。此謂蕃秀。天地氣交。萬物華實。夜卧早起。無厭于日。使志無怒。使華英成秀。使氣得泄。若所愛在外。此夏氣之應。養長之道也。逆之則傷心。秋爲痠癘。奉收者少。冬至

重病

重平  
声

四五六月夏之三月也陽氣已盛物蕃且秀故氣象謂

之蕃秀也當是之時天地氣交

即司天在泉三四氣之交六元正紀大論所謂

上下交五氣交主之是也

萬物有得陰氣而斂華英成實者正以陽

化氣而陰成形也吾人于此當有善養之術其卧則夜

其起則早與春同也起早而無厭于日蓋夏日晝行之

度較夜最末人所易厭也

陰陽書云四月日高三丈矣時則日高三丈矣

其持已也使此志無怒其愛草木也使華英成秀

而不榮而實

曰草木則凡物可知矣無怒則氣易鬱又必使此氣

得泄若有所愛于外而無所鬱凡若此者以夏氣主長

皆以應夫夏氣而盡養長之道也否則夏屬火心亦屬

火逆夏氣則傷心火。心火不能生長夏之脾土。脾土不能生秋時之肺金。至秋之時有痃瘕之病。正以心屬火。暑亦屬火。心衰則暑感。故夏傷于暑。秋必痃瘕也。豈不少氣以迎肺藏欲收之氣哉。然不特秋時爲病也。肺金不能生腎水。則冬爲重病者有矣。

秋三月。此謂容平。天氣以急。地氣以明。早卧早起。與雞俱興。使志安寧。以緩秋刑。收斂神氣。使秋氣平。無外其志。使肺氣清。此秋氣之應。養收之道也。逆之則傷肺。冬爲殭泄。奉藏者少。同以已

七八九月。秋之三月也。陰氣已上。萬物之容至此平定。

故氣象謂之容平。天氣以燥而急。地氣以燥而明。吾人

于此當有善養之術。其卧則早。較春夏異。懼中寒露也。

其起亦早。與雞俱興。較春夏尤早也。陰陽書云七月丑時在五更。八九月

丑時在四更。使此志安寧而不妄動。使秋刑緩用而不妄殺。

蓋用刑不緩。志仍不寧也。必收斂神氣。使秋氣之在吾

身者和平也。無外馳其志。使肺氣之藏吾內者清淨也。

凡若此者。蓋以秋時主收。皆以應夫秋氣而盡養收之

道也。否則秋主金。肺亦屬金。逆秋氣則傷肺金。肺金不

能生冬時之腎水。而至冬之時。有殄泄之病。正以肺為

陽明燥金。脾土惡濕喜燥。肺金既衰。不能生水。腎水又

衰不能攝水而脾土又不能制水故脾濕而殄泄自生也。豈不少氣以迎腎藏欲藏之氣哉。

冬三月此謂閉藏。水冰地坼無擾乎陽。早卧晚起必待日光。使志若伏若匿。若有私意。若已有得。去寒就溫。無泄皮膚。使氣亟奪。此冬氣之應。養藏之道也。逆之則傷腎。春為痿厥。奉生者少。坼拆同 亟音器

十月十一十二月。冬之三月也。陽氣已伏。萬物潛藏。故氣象謂之閉藏也。當此之時。水以寒而冰。地以寒而坼。

君子居室如蟄。蟲之周密。無擾亂衛氣可也。

主天通大 論曰。因下

寒欲如運樞起居如聲神氣乃浮

其卧則早。與秋同也。其起則晚。必待

日光與秋異也。使其志若有所伏匿然。若有私意。若已  
有得。皆無擾乎陽之意也。去寒以就溫。無泄皮膚之汗。  
而使陽氣之數奪。凡若此者。蓋冬時主藏。皆以應夫冬  
氣而盡養藏之道也。否則冬主水。腎亦主水。逆冬氣則  
傷腎。水腎不能生肝木。而至春之時。有痿厥之病。正  
以肝主筋。筋之不能舉者。為痿。春木主水。廢則陽氣上  
逆而為厥。厥之為言逆也。本經明有痿論。厥論非可以  
一新言。然厥論則有寒厥熱

厥乃厥  
逆之謂

豈不少氣以迎肝藏欲生之氣哉。

天氣清靜光明者也。藏德不止。故不下也。天明則日月不  
明。邪害空竅。陽氣者。閉塞地氣者。冒明。雲霧不精。則止應。

白露不下。交通不表。萬物命。故不施。不施則名木多死。惡  
氣不發。風雨不節。白露不下。則苑葉不榮。賊風數至。暴雨  
數起。天地四時不相保。與道相失。則未央絕滅。惟聖人從  
之。故身無奇病。萬物不失生。氣不竭。空孔同塞入聲苑於  
遠切藁稿同數音朔

上文言人當順四時之氣。此言天地有升降之妙。唯聖  
人從之。故病却而壽永也。言上天之氣至清靜。至光明。  
似可亢之以自高矣。然唯藏此德而不止。萬古有下降  
之妙。故雖降而實未之下。其尊仍在焉。設使天道自尊。  
其清靜光明。則日月無以藉之生明矣。猶人之邪氣塞。

害空竅而空竅不通也

此二句乃借人以論天然在人亦不特兩目不明諸竅皆塞後

世止以自論者蓋泥于日月二字而不考大義故耳

蓋天氣者陽氣也陽氣不降

轉爲閉塞故地道亦不升適與天氣忤冒而天無以開

之也所以應之于上者雲霧不精白露不下應之于下

者交通不能表萬物之命以施生生之理正以其不能

交通也凡有名之木亦多死

五常政大前歲金太

寧唯是乖惡之氣不能發散風雨不能有節白露不能

下降而菀穉之物不能榮茂凡若此者皆以天地不交

通耳當是之時賊風數至暴雨數起雖天地四時不能

相保如平常矣爲吾人者失前四氣調神之道陰陽升



降俱垂其度。猶之天地不交也。則身多奇病。萬事多失。生氣已竭。至未半之時而絕滅矣。唯聖人能順天道。處天地之和。從八風之理。法于陰陽。和于術數。所以身無奇病。本經有奇病論。夫奇病論。萬物得所。其生生之氣不竭。而亦可以百數。按此聖人見前篇第十三節。

逆春氣則少陽不生。肝氣內變。逆夏氣則太陽不長。心氣內洞。逆秋氣則太陰不收。肺氣焦滿。逆冬氣則少陰不藏。腎氣獨沉。長上聲。

此承首四節而言。四時之氣不可以有逆者。正以其當時而病不必奉氣而病也。吾謂逆之則傷肝。夏為寒變。

者何哉。蓋不能盡養生之道。以逆此春氣。則少陽不生。少陽者。足少陽膽經也。膽爲甲木。肝爲乙木。肝與膽爲表裏。今少陽不生。則肝氣內變。其肝尚不能自免于病矣。復有何氣以迎心經欲長之氣。而無寒變之病耶。吾謂逆之。則傷心。秋爲瘕瘕者。何哉。蓋不能盡養長之道。以逆此夏氣。則太陽不長。太陽者。手太陽小腸經也。小腸屬丙火。心屬丁火。心與小腸爲表裏。今太陽不長。則心氣內洞。內洞者。空而無氣也。一靈樞五味論有辛走氣義。相似其心尚不能自免于病矣。復有何氣以迎肺經欲收之氣。而無瘕瘕之病耶。吾謂逆之。則傷肺。冬爲殄

泄者何哉。蓋不能盡養收之道。以迎此秋氣。則肺屬手太陰經者也。太陰不能收。而肺氣枯焦。脹滿。尚不能自免于病矣。復有何氣以迎腎經欲藏之氣。而無殄泄之病耶。吾謂逆之則傷腎。春爲痿厥者。何哉。蓋不能盡養藏之道。以逆此冬氣。則腎屬足少陰經者也。少陰不能藏。而腎氣已獨沉。尚不能自免于病矣。復有何氣以迎肝經欲生之氣。而無痿厥之病耶。然春夏以表言。秋冬以裏言。以春夏屬陽。秋冬屬陰也。

夫四時陰陽者。萬物之根本也。所以聖人春夏養陽。秋冬養陰。以從其根。故與萬物沉浮。生長之門。逆其根。則伐

其本壞其真矣。故陰陽四時者。萬物之終始也。死生之本也。逆之則災害生。從之則苛疾不起。是謂得道。道者。聖人行之。愚者佩之。從陰陽則生。逆之則死。從之則治。逆之則亂。反順爲逆。是謂內格。

此承第五節而申言聖人盡善養之道。彼不善養者失之也。夫萬物生于春。長于夏。收于秋。藏于冬。則此四時陰陽者。萬物之根本也。所以聖人于春夏而有養生。養長之道者。養陽氣也。上節言少陽太陽。則人身身秋冬而之陽氣。正合天地之陽氣。秋冬而有養收養藏之道者。養陰氣也。上節言太陰少陰。則人身身之陰氣。正合天地之陰氣。正以順其根耳。故與萬物浮沉于生長之門。則槩收

藏若逆其根則伐本壞真矣故知陰陽四時者既爲萬物之根本則是萬物之所以成始成終爲死爲生之本逆之則災害自生如上文寒變痰癰殭泄痿厥內變內洞焦滿獨沉之類順之則苛重之疾不起如無上文寒變痰癰等病是謂得養生之道者矣是道也唯聖人爲能行之彼愚人則常佩之蓋以從陰陽則生不但苛疾不起也逆陰陽則死不但災害自生也順陰陽則此身之氣治治則必能有生也逆陰陽則此身之氣亂亂則必至于死也若果不能順而反之以爲逆則吾身之陽不能入陰不能出而在外者格拒于內矣其災害死亡

之至良有故哉。

是故聖人不治已病治未病。不治已亂治未亂。此之謂也。夫病已成而後藥之。亂已成而後治之。譬猶渴而穿井。闕而鑄兵。不亦晚乎。

此承上節而引言以戒之也。昔有言聖人不治已病治

未病。

靈樞逆順篇云。上。下。治未病。不治已病。

不治已亂治未亂。此正所謂

聖人預養生長收藏之氣。不待寒變。瘧瘡。飧泄。痿厥等病已生而始治之也。凡病則氣亂。未病則氣治。病成而藥亂成。而治譬猶渴而穿井。闕而鑄兵。其渴必不能濟。而闕必不能禦也。信晚矣哉。

# 生氣通天論篇第三

篇首有自古通天者生之本故

氣積于上焦。若氣出于中焦。衛氣出于下焦。蓋以  
天有陽氣。積陽為天也。有陰氣。積陰為地也。人稟  
天地之氣而生。亦有陽氣。有陰氣。陽氣者。衛氣也。  
由下焦之氣而生。亦有陽氣。從中焦之氣。以升于上。  
焦而生此陽氣。故營衛生會篇謂衛氣出于下焦。  
又謂濁者為衛氣。是也。目張則氣上行于頭。出于足。  
太陽勝肺。經明穴而晝行于足。手太陽經夜行  
于足。手六陰經。如本篇所謂陽氣者。一日而主外。  
等語是也。又如營衛生會篇謂之太陽主外者。是  
也。惟其不隨宗氣以同行于經隧之中。而自行于  
各經皮膚分肉之間。故營衛生會篇又謂之衛行  
脉外者。是也。陰氣者。營氣也。由中焦之氣。陽中有  
陰者。隨上焦之氣。以降于下焦。而生此陰氣。故營  
衛生會篇謂之營氣出于中焦。又謂清者為營。是  
也。但陰氣精專。必隨宗氣以同行于經隧之中。始  
于手太陽肺經。太淵穴。而行于手陽明大腸經。足  
陽明胃經。足太陰脾經。手少陰心經。手太陽小腸  
經。足太陽膀胱經。足少陰腎經。手厥陰心包絡經。

手少陽三焦經。少陽膽經。足厥陰肝經。而又始  
于手太陰肺經。故營衛生會篇謂之太陰主內。又  
謂之營行脉中者是也。即本篇有營氣不從之營  
氣是也。惟此篇營氣之營字。正與靈樞營氣之營  
字同。其餘素問營字。俱書榮字。蓋古營榮互書。大  
義當以營字為是。蓋陰氣在內。如將軍之守營。陽  
氣在外。如士卒之衛外。史記云。以師兵為營衛。則  
營衛二氣之取義者。蓋如此。又陰陽應象大論有  
曰。陰在內。陽在外。陰之使。其義確然矣。愚  
昔思本篇有云。陽者。精則養神。柔則養筋。神論  
有云。陰氣者。靜則神藏。躁則消亡。此神聖論營衛  
二氣至精之義也。然二氣均為人之所重。而本篇  
所重在人衛氣。但人之衛氣。本于天之陽氣。惟人  
得此陽氣。以有生。故曰。生氣通天。惟聖人全此陽  
氣。而苛疾不起。常人則反是焉。靈樞禁服篇云。審  
察衛氣。為百病母者。信哉。本篇凡言陽氣者。七。皆  
諄示人以當全此陽氣也。要之陽氣一全。則營氣  
自從矣。大義當以靈樞營衛生會篇及衛氣行篇  
為的。



黃帝曰。夫自古通天者。生之本。本于陰陽。天地之間。六合之內。其氣九州九竅。五藏十二節。皆通乎天氣。其生五。其氣三。數犯此者。則邪氣傷人。此壽命之本也。蒼天之氣。清淨。則志意治。順之。則陽氣固。雖有賊邪。弗能害也。此因時之序。故聖人傳精神。服天氣。而通神明。失之。則內閉九竅。外壅肌肉。衛氣散解。此謂自傷氣之削也。數音朔。按六節。占通天者。生之本。本于陰陽。其氣九州九竅。皆通乎天氣。故其生五。其氣三。

此帝言人氣通乎天氣。

人氣。即陽氣。見本篇第六節。又曰。衛氣。通乎天氣。行於六節。亦謂衛氣。

氣。為人氣。自稟蒼天之氣而生者。惟聖人全此天氣。以固壽命之本。而衆人則失之也。夫自古通天者。生人之本也。天以陰陽

生萬物而人之生也本于陰陽故天地之間六合之內

上下四方其氣之在地者曰九州其充青徐荆揚豫梁雍氣之在

人者曰九竅陽竅在頭者七耳二目二鼻二口曰五藏

心肝脾肺腎曰十二節手有三陰三陽經足有三陰三陽經皆以通乎天氣者

也其所以生者五金木水火土所以為氣者三王註以為天氣地氣運氣

義見第八九卷天元紀數犯邪氣則邪氣傷人故不

使邪氣傷人者乃壽命之本也蓋蒼天之氣至清淨者

也即前篇言天氣清淨吾能法天地之清淨則志意自治陽氣自

固當是之時雖有賊邪弗能害也此因時之序所以弗

能害耳惟聖人知之隨四時以運此身之精氣服蒼天

之陽氣以通天氣之神明。彼常人則失之。所以內閉九竅。外壅肌肉。而衛氣已散解。此之謂自傷。陽氣之所以制也。

陽氣者。若天與日。失其所則折壽而不彰。故天運當以日光明。是故陽因而上。衛外者也。因于寒。欲如運樞。起居如驚。神氣乃浮。因于暑。汗煩則喘喝。靜則多言。體若燔炭。汗出而散。因于濕。首如裹。濕熱不攘。大筋緤短。小筋弛長。緤短為拘。弛長為痿。因于氣。為腫。四維相代。陽氣乃竭。折音

言軟弱後世也。此篇分篇。但當以寒暑濕各為一節。殊不知本篇所重在陽氣。故凡不篇有陽氣者。當提為各節。是篇凡每節本文之病。皆由陽氣不足所致。

經樞禁服。節謂衛氣為百病之母者是也。

此言陽氣所以衛外而陽氣不固者則四時必傷于邪

氣而為病也夫所謂陽氣者衛氣也人有此陽氣猶天

之有日也日得天之明而能久照陽氣必不失其所而

能久壽若失其所而不能衛外必折天而不彰失其所

者衛氣衰弱而不能衛外也故天運當有此日以為之

光明人當有此陽氣以為之衛外是故陽氣因而上行

于皮膚分肉之間所以衛外者也

大義見靈樞經營衛生篇篇名惟陽氣不固故凡四時之邪氣皆從之而傷矣

所謂不能因時之序者是也是故因于冬之嚴寒者當

深居周密凡有意欲心有所運而身不妄動如運

以

開闢其戶。戶不太勞。若起居卒暴。有所驚駭。則神氣浮露。無復中存矣。因于夏之暑氣者。其體必有汗。或煩躁而動。則為喘喝。或不煩躁而靜。則亦不免于多言。暑證者。熱證也。故合動靜而皆不能靜者。如此。而得之為中熱。而得之為中暑。中暑中熱者。陽證。中暑者。陰證。李東垣曰。暑熱之時。無病之人。或避暑於涼。涼于采堂。人與中得之者。名曰中暑。其病必頭痛惡寒。身形拘急。肢節疼痛。而煩心。肌膏大熱。無汗。為房室之陰寒。所過使週身陽氣不能伸越。以大順散熱藥主之。若人農大于日中。勞役得之者。名曰中熱。其病必苦頭痛發躁。惡熱。間之肌膚大熱。必大渴引飲。汗大泄。無氣以動。乃為天熱。外傷肺氣。蒼木白虎湯涼藥主之。玉機微義云。安北痛中暑。即仲景所謂暈也。此只作暑熱分。之可見。有陰陽二證。受病不同。然夏月受病。有陰寒所迫。使遇身陽氣不能伸越。以大順主之者。為中暑。蓋當暑月。名之。雖冬月。發熱為傷寒也。但大順一方。是仲景太陽經藥。

九垣施用諒不如此必有若益氣湯證例謂于無傳其  
中執一例雖云蒼朮白虎湯而又當虛以清暑益氣之  
法日中暑證亦有于勞後動而得者中暑證亦有于  
暑中而得者犬抵因人元氣虛實不同故所變亦異  
治之者豈得一身之熱如燔炭然必從而汗之則邪從  
無變法哉  
汗散矣按此曰汗出而散熱論曰凡病傷寒而成溫者  
皆出不止觀此二篇則暑證當發汗無疑矣朱丹絳滑  
伯仁疑暑之不可汗也遂以此二句為上文因于寒之  
脫簡以為非寒則不可發汗殊不知風寒暑濕熱皆可  
發注若暑證後世用香薷飲及木通導瀉瀉本諸苓等  
利水之藥而愈者尤為便益蓋難經以暑傷心者為正  
經自病要知心屬少陰君火暑亦屬人唯暑為能為心  
知水就濕火就燥之義但暑固傷心熱亦傷氣而又復  
發汗則汗乃心之液熱既傷心傷氣汗多又必亡陽惟  
心以少陽為表裏今服利水之劑使暑從小腸而下行  
參入勝肌而去則病易却而元氣無損矣此朱丹絳  
所以不免于致疑者皆不知考熱論之義耳余嘗  
註難經正義并載此義于四十九難中暑之下因于

濕氣之所感者。凡人之有濕。有內濕。有外濕。外濕足先受之內濕者。多飲酒漿醢醢所致也。其濕氣薰蒸上行如霧。首如有所包裹而昏且重矣。惟濕蒸為熱而不能除。却大筋受濕浸熱蒸則軟而短。小筋受濕浸熱蒸則懈弛而長。軟短故手足拘攣而不伸。弛長故手足痿弱而無力矣。按本篇下文秋傷于濕及陰陽應象大論亦有秋傷于濕等語。則此濕者當為秋時所感也。因于氣證所致者。凡怒則傷肝。肝氣有餘。來侮脾土。脾土不能制水。水氣泛溢于四肢而為腫脹之疾。其手足先後而腫。此四維之所以相代也。四維者。四肢也。斯時也。一文所謂內閉九竅外壅肌肉衛氣散解者是也。

其陽氣豈不竭盡矣乎。

陽氣者。煩勞則張。精絕。積于夏。使人煎厥。目盲不可以視。耳閉不可以聽。潰潰乎若壞都。汨汨乎不可止。汨古沒反

此又言陽氣不固者。夏時有煎厥之證。不特病暑而已。

陽氣者。貴于清淨。若煩勞而不清淨。則勞爾形。搖爾精神。氣張。施于外。精氣竭。絕于中。惟春秋冬時。尚有可以

強支者。及延積于夏。暑熱令行。使人煎迫而厥逆矣。按

解篇云。所謂少氣。善怒者。陽氣不治。陽氣不治。則陽氣不得出。肝氣常治。而未得故。善怒。善怒者。名曰煎厥。當

與衆何以見之。目盲耳聾。視聽皆廢。潰潰乎若都之壞

也。真汨汨乎不可止者。都所以坊水。潰潰壞貌。汨汨流



貌蓋言疾勢不可遏也據本經煩勞則如王註所謂起

如王註所謂傷腎與膀胱又據脉解篇則又關肝經善怒是乃肝腎諸經之府也

陽氣者大怒則形氣絕而血菀于上使人薄厥有傷于筋

縱其若不容汗出偏沮使人偏枯汗出見濕乃生痲痺高

梁之變足生大丁受如持虛勞汗當風寒薄為皴鬱乃痲

亮音鬱詩小弁有苑者柳亦註為鬱沮子魚切痲作和反痲方味反高當作膏梁當作梁丁後世作斤鉞錯加反

此又言陽氣不固者有為厥為脹為偏枯為痲痺為大

丁為皴痲諸證也陽氣者貴于清淨若大怒而不清淨

則形氣經絡阻絕不通而血積于心胃之間音病論岐

絡脉絕亦阻絕之義非斷絕之謂舉其氣有升而無降

痛論岐伯曰怒則氣逆甚則嘔血

使人依薄下上而厥逆矣。然而血不營筋，筋將就傷，縱緩無束。胃膈膈脹，真若有不能容物者矣。所謂鼓張而有粗筋見于腹者是也。又人當汗出之時，或左或右，一偏阻塞而無汗，則無汗之半體他日必有偏枯之患。所謂半身不隨者是也。又人當汗出之時，玄府未閉，乃受水濕，則陽氣方泄，寒水制之，熱鬱皮內，濕邪凝結，遂爲痠痺。痠則較痺爲大，其形類癰。痺則較痠爲小，卽所謂風癢是也。又人有嗜用膏粱美味者，肥厚內熱，其變饒生大疔，足之爲言饒也，非手足之足。蓋中熱既甚，邪熱易侵，如持空虛之器以受彼物者矣。又人于勞若汗出

之時當風取涼使寒氣薄于玄府之中始則爲鼓俗云粉刺鬱久則爲痼較鼓則稍大矣凡若此者皆陽氣不固使然也。

陽氣者精則養神。柔則養筋。開闔不得寒氣從之乃生大僂。陷脉爲癰。留連肉腠。命氣化薄。傳爲善畏。及爲驚駭。管氣不從逆于肉理。乃生癰腫。魄汗未盡形弱而氣燦。冗命以閉。癰爲風癰。故風者百病之始也。清淨則肉腠閉拒。雖有大風苛毒弗之能害。此因時之序也。故病久則傳化。上下不介。良醫弗爲。故陽畜積病死而陽氣當隔。隔者當爲不亟。正治粗乃敗之。

僂力主反疲力闔  
反俞音底亟音棘

此又言陽氣不固者。有為僕。為癱。為善畏。為驚駭。為癰。腫。為風。瘡。為開諸證也。陽氣者。內化精微。養人之神。外則柔和。養人之筋。惟開闢失宜。則陽氣擾亂。無以養神。與筋。腠理不密。寒氣客之。筋絡拘急。形容極僕俯矣。又因陽氣不固。邪氣入陷。脉中。則發為鼠瘦之類。凡肉之所會。名曰肉腠者。皆得聚而連結焉。且各經皆有俞穴。此非井榮俞原經合之俞。凡一身之穴。皆可曰俞。邪氣變化依薄。傳為善畏。及為驚駭之疾。畏。主心腎言。除陽應象大論云。喜傷心。恐勝喜。又曰。恐傷腎。思勝恐。駭。主肝言。金匱真言論云。其病發驚駭。蓋以正虛邪盛。故不足之證如此。唯陽氣不固。則營氣者。陰氣也。營氣不能與衛氣

相順而衛氣逆于各經分肉之間亦生癰腫之疾矣肺  
經內主藏魄外主皮膚故所出之汗亦可謂之魄汗也  
方其魄汗未盡穴俞未閉形體弱而氣清潔乃外感風  
寒致穴俞已閉當發為風癰之疾也非獨論言癰之為發  
時皆能成癰也故知風者百病之始非獨癰也必陽氣清靜則  
內焉志意自治外焉肉腠閉拒雖有大風苛毒弗之能  
害此乃因時之序凡上文諸病無由而作矣惟人不能  
清淨又不能因時之序故諸病日久傳遞變化上不升  
下不降而不能相併以為和雖有良醫弗能為也惟此  
陽氣者不能衛外徒爾畜積于內其病久久當死斯時

也。且當成隔。隔者。乖隔不通之謂也。陰陽別論曰。三陽結謂之隔。隔者當寫。若不急寫以正治之。此粗工之所

以敗也。

靈樞九鍼十二原篇名下工為粗

故陽氣者。一日而主外。平旦人氣生。日中而陽氣隆。日西而陽氣已虛。氣門乃閉。是故暮而收拒。無擾筋骨。無見霧露。及此三時。形乃困薄。

此言陽氣在人。當開闔得宜以順之也。陽氣者。一日而主外。人氣即衛氣。按靈樞衛氣行篇。伯高曰。衛氣之行。一日一夜五十周于身。晝日行于陽。即手足六陽經二十五周。夜行于陰。即手足六陰經二十五周。平旦陰盡。陽氣出于目。日

張則氣上行下頭

明循睛穴

下足太陽膀胱經手太陽小腸

經足少陽膽經手少陽三焦經足陽明胃經手陽明大

腸經所謂一日而主外者如此夜則行足少陰腎經注

手少陰心經手太陰肺經足厥陰肝經足太陰脾經亦

如陽行之二十五度而復合于目所謂平旦人氣生者

即上行于頭復合于目之謂也至日中而陽氣隆隆者

盛也日西而陽氣已虛虛者衰也

與營衛生會諸義同

氣門乃開

氣門者玄府也惟暮時陽氣已衰宜收斂陽氣以拒虛

邪無煩擾筋骨

因氣調神論云無擾乎陽

無見霧露蓋至暮時屬陰

故所當收斂者如此若不能如暮時之收斂而復如平

曰日中日西之所爲。反者復也中庸云反古之道則陽氣不得清淨。

而形無所衛未免困窘而衰薄矣。

岐伯曰陰者。燕精而起亟也。陽者。衛外而爲固也。陰不勝其陽。則脉流薄疾。并乃狂。陽不勝其陰。則五藏氣爭。九竅不通。是以聖人陳陰陽。筋脉和同。骨髓堅固。氣血皆從。如是則內外調和。邪不能害。耳目聰明。氣立如故。亟音氣

此伯承上文陽氣主外之義。遂言營衛相須爲用。而偏勝者病。惟聖人則善調之也。言營氣者。卽陰氣也。營氣藏五藏之精。隨宗氣以運行于經脉之中。而外與衛氣相表裏。衛氣有所應于外。營氣卽隨之而起矣。夫是之



謂起亟也。亟者數也。陽氣者衛氣也。衛氣不隨宗氣而  
行而自行于各經皮膚分肉之間。乃所以衛營氣之外  
而爲固。亦與營氣爲表裏也。苟使營氣不足衛氣有餘  
是陰不勝其陽也。則脉氣之流行者薄于急疾。薄疾爲依  
急疾甚則并而爲狂。宣明五氣論靈樞九鍼正以陽氣有  
疾甚則并而爲狂。宣明五氣論靈樞九鍼餘故發之而爲熱證者如此。又使衛氣不足營氣有餘  
是陽不勝其陰也。則五藏在内其氣與陽氣爭拒。九竅  
自不通矣。正以陰氣有餘故發之而爲寒證者如此。宣  
五氣論靈樞九鍼論曰邪入于陰則爲血痺陰陽氣  
文大義當主營衛言然衛行脉外而六府主于表  
脉中而五藏主于裏其是以爲聖人者陳示營衛流府  
義又未始不相須也

分爲陰陽。出入表裏。使在內爲筋。在中爲脉。在內爲骨。髓者。和同堅固。氣血各順。如是則內外調和。邪不能害。其耳聰目明。營衛如常。尚何偏勝之爲病哉。

風客淫氣。精乃亡。邪傷肝也。因而飽食。筋脉橫解。腸澀爲痔。因而大飲。則氣逆。因而強力。腎氣乃傷。高骨乃壞。凡陰陽之要。陽密乃固。兩者不和。若春無秋。若冬無夏。因而和之。是謂聖度。故陽強不能密。陰氣乃絕。陰平陽秘。精神乃治。陰陽離決。精氣乃絕。論音擊反

此言病有傷肝者。不慎則爲腸病。爲肺病。爲腎病。遂因腎傷之義。而示人以陰陽交會之要也。風者百病之長。

風來客之浸淫以亂營衛之氣則風薄而熱起熱盛而水乾水乾而腎氣不營故精氣乃亡然邪之所傷何藏爲始以風氣通于肝故邪傷肝經爲始耳唯風氣入肝以致腎精乃亡則凡飲食起居皆當慎矣苟因所食太飽至于腸胃填滿筋脉橫解而不屬其腸日常滯積漸出肛門而爲痔蓋以人之腸胃筋脉有度故不可多食者如此又因所飲亦多則上文風客淫氣腎肝已傷由是氣逆于上不能下行而咳嗽喘急者有矣蓋肺爲五藏華蓋故飲多而肺布葉舉其爲疾者如此腎者作強之官因而過于強力則腎氣乃傷精髓內枯腰高之骨

從茲而壞矣

余曾見有傷腎經者已成弱證其何以見腰間命門穴上有骨高起者寸餘何以見

腎氣不可傷也凡陰陽交媾必有要法唯陽氣秘密而

不妄用則精自固而不至于傷矣

陰陽應象大論曰能知七損八益則二者

可調不知用之則早衰之節也

正以陰陽不和若有春無秋有冬無夏

必因而和之是謂聖人之度數耳

即上古天真論故陽和于術數之意

氣專以強力爲事而不能秘密則彼陰氣與此相絕而

兩者不和必彼之陰氣得其平和而此之陽氣知所秘

密則精神乃治何也蓋以陰陽相離而決散致吾之精

神乃絕故耳

因于露風乃生寒熱是以春傷于風邪氣留連乃爲洞泄

夏傷于暑秋為痲瘧秋傷于濕上逆而欬發為痿厥冬傷于寒春必溫病四時之氣更傷五藏

此言四時傷于邪者之為諸病亦由上文陽氣不固而不能因時之序所致也上文言魄汗未盡形弱而氣燄穴俞以閉發為風癰又言風客淫氣者精乃亡邪傷肝也皆感于風邪而有寒熱之意矣此則又言因于露風者正如上文暮而不能收拒擾筋骨見霧露之謂也王註為裸體故感于寒而熱從生焉正寒熱為之往來也熱水者非也穴論帝曰人傷于寒而傳為熱者何也岐伯曰夫寒感則生熱也然不能因時之序者隨四時而有其病是以春傷于風風氣通于肝肝邪有

餘來侮脾土故邪氣留連而為洞泄之證

陰陽應象大論岐伯曰春

傷于風夏為洞泄大曰留連

則雖不言夏而義已該矣復傷于暑不能發散至秋

當為痰瘧之證蓋心獨少陰君火亦屬火故暑能傷

心上文言體若燔炭汗出而散惟其不能發散則熱邪

內蘊至秋濕氣剋蒸而為寒熱往來之痰瘧矣痰瘧者

瘧之總稱也

此陰陽應象大論云夏傷于暑秋必痰瘧與此同其治瘧大法見素問瘧論刺瘧論中

秋傷于濕當上逆而為咳嗽及為痿厥之證蓋秋時濕

氣方行從而感之則濕蒸而為熱熱者火也火乘肺金

故咳嗽自不能已也

陰陽應象大論曰秋傷于濕冬生咳嗽

上文言因于

濕者小筋弛長而弛長為痿大筋綆短而綆短為拘陰

陽應象大論岐伯曰地之濕氣感則害皮肉筋脉太陰  
陽明篇岐伯曰濕者下先受之靈樞小鍼解云清氣在  
下言清濕地氣之中人也必從足始也清令故筋脉因濕  
而弛長則為痿人氣從濕而上蒸則為厥者良有自也  
四氣調神論以冬時失養藏之道者春為痿厥蓋彼以  
腎水不能生肝木故春時有痿厥之病主正氣不足而  
言此以濕氣傷筋為痿氣從濕升為厥主邪氣有餘而  
言病名雖同而致病則異故彼之病在春而此之病在  
秋冬冬傷于寒者至春必為溫病蓋冬時嚴寒中之即  
病者謂之傷寒其有傷于寒而不即病者至春陽氣發  
生邪從內作故為溫病之證夫曰溫者寒非純寒而有  
熱熱非純熱而有寒正以前此而冬則為寒後此而夏

病者如此

氣乃厚。味過于辛。筋脉沮弛。精神乃央。是故謹和五味。骨



正筋柔氣血以流。湊理以密。如是則氣骨以精。謹道如法。長有天命。

此言五味能傷五藏而善養者慎之也。陰陽應象大論

岐伯曰酸生肝苦生心甘生脾辛生肺鹹生腎則陰之

所生本在五味。陰者五藏皆屬陰也。手太陰肺手少陰

陰腎足然陰之五宮所傷亦在五味。陰陽應象大論岐

伯曰酸傷筋苦傷氣甘傷肉辛傷皮毛鹹傷血蓋五味

過節則五藏亦傷于五味也。其曰傷氣血者夫諸氣皆

屬于肺而苦本入心何乃傷之正以火來乘金傷已之

所勝也。諸血皆屬于心而鹹本入腎何乃傷之正以水

來乘火亦傷已之所勝也。則五味信能傷五官矣。是故酸所以生肝也。味過于酸則肝氣津滯而木盛土虧。脾氣從茲而絕矣。鹹所以生腎也。味過于鹹則大骨者。卽上節之所謂高骨也。王機真藏論亦謂之大骨腎氣反傷。大骨氣勞水邪尅火。令人肌肉短縮。心氣抑滯矣。甘所以生肉也。味過于甘則脾邪有餘。子來乘母。從前來者爲實邪。而心氣喘滿。且土往尅水。傳其所勝。黑色外見。腎氣不得其平矣。苦所以生心也。味過于苦則苦反傷心。母邪乘子。火氣燦土。脾氣不能濡澤。胃氣乃反加厚矣。蓋邪氣有餘則胃厚也。按人之腸胃必有二層。心氣太過土氣亦有餘。故胃乃作脹而反厚不能納受。

水穀宜用清火收飲如卒連烏梅之類今人不識此證以爲飲食不進者多是胃氣已弱仍用參朮等類則胃邪益增飲食反戒愈補愈脹病終不愈矣肺要精微論曰胃脉實則脹虛則泄所謂脹者正胃氣乃厚之謂也須于胃脉之實者驗耳辛所以生肺也味過于辛金邪尅之若真虛則宜補耳辛所以生肺也味過于辛金邪尅木筋脉阻弛精神至半而廢矣火者中央也半之謂也四氣調神論有未央絕或則未半而絕此云精神乃央言精是故人能謹和五神僅可至半也詩小雅云夜未央味而調之庶乎長有天命也

金匱真言論篇第四

金匱者藏書之器也尚書金縢篇蔡註釋爲金縢之匱靈樞陰

陽二十五人篇有金縢燕之其體從木義亦同也真言者至真之言也故名篇

黃帝問曰天有八風經有五風何謂岐伯對曰八風發邪以爲經風觸五藏邪氣發病所謂得四時之勝者春勝長

夏長夏勝冬冬勝夏夏勝秋秋勝春所謂四時之勝也

勝長夏五句  
見六節藏象論

此言八風能傷五藏足以傷其所勝者而已八風者按  
靈樞九宮八風篇有大弱風謀風剛風折風大剛風凶  
風嬰兒風弱風也五風者按素問風論有肝風心風脾  
風肺風腎風也夫天有八風則人之所傷在此八風也  
而復有五風之謂豈八風之外復有五風乎殊不知五  
風者即八風之所傷也特所傷異藏而名亦殊耳八風  
發其邪氣以入于五藏之經風觸五藏邪氣發病若是  
者凡以勝所不勝故不勝者受病試以四時之勝者言

之春主木夏主火長夏主土長夏者六月建未月也秋主金冬主

水所謂得四時之勝者春勝長夏長夏勝冬冬勝夏夏

勝秋秋勝春也彼五藏受八風之病者亦以其相勝故

耳如九宮八風篇之所傷者是也九宮八風篇云太乙

風以占吉凶風從南方來名曰大弱風其傷人也內舍

人也內舍于脾氣主熱風從西南方來名曰謀風其傷

人也內舍于脾氣主熱風從西南方來名曰謀風其傷

風從西北方來名曰折風其傷人也內舍于皮膚其氣主

于手太陽脉絕則溢脉閉則結不通善暴死風從北

方來名曰大剛風其傷人也內舍于腎外在于骨與有

骨之節其氣主為寒風從東方來名曰大弱風其傷

人也內舍于脾氣主熱風從西南方來名曰謀風其傷

方來名曰大剛風其傷人也內舍于腎外在于骨與有

傷人也內舍于胃外在于肌肉其氣主體重

東風生于春。病在肝。俞在頸項。南風生于夏。病在心。俞在背。西風生于秋。病在肺。俞在肩背。北風生于冬。病在腎。俞在腰股。中央爲土。病在脾。俞在脊。故春氣者病在頭。夏氣者病在藏。秋氣者病在肩背。冬氣者病在四肢。故春善病鼽衄。仲夏善病胃腸。長夏善病洞泄寒中。秋善病風癰。冬善病痺厥。故冬不按蹻。春不鼽衄。春不病頸項。仲夏不病胃腸。長夏不病洞泄寒中。秋不病風癰。冬不病痺厥。飧泄而汗出也。夫精者身之本也。故藏于精者。春不病溫。夏暑汗不出者。秋成風癰。此平人脉法也。

此言五藏隨時爲病。然必冬藏其精。而四時不爲病也。

春主甲乙木其位東故東風生于春陰陽應象大論謂

在天爲風在藏爲肝故人之受病當在于肝凡外而頸

項之所乃甲乙木氣之所主也則俞穴之在頸項者其

病從之而外應矣援肝部經絡由足大指大敦上行間太衝中封至腰內則蠶溝中邪膝關

曲泉上行至脇章門上期門其所經歷之處本與頸項無與然甲乙之氣旺于頸項故病常如是也餘經脈並

夏主丙丁火其位南故南風生于夏陰陽應象大論謂

在天爲熱在藏爲心故人之受病當在于心凡外而胃

腸之所乃丙丁火氣之所主也則俞穴之在胃腸者其

病從之而外應矣秋主庚辛金其位西故西風生于秋

陰陽應象大論謂在天爲燥在藏爲肺故人之受病常

在于肺。凡外面肩背之所乃肺之所繫也。則俞穴之在肩背者。其病從之而外應矣。冬主壬癸水。其位北。故北風生于冬。陰陽應象大論謂在天爲寒。在藏爲腎。故人之受病。當在于腎。凡外面腰股之所乃腎之分部也。則俞穴之在腰股者。其病從之而外應矣。中央屬戊己土。故脾屬土。當病在脾。脊者體之中也。則俞穴之在脊者。其病從之而外應矣。是觀之。則春氣者病在頭。頸項卽頭也。夏氣者病在藏外。爲胃腸。而內爲藏也。秋氣者病在肩背。冬氣者病在四肢。上文言腰股。而此言四肢者。以四肢爲末。如木之枝。得寒而凋。故不但腰股爲病。



而四肢亦受病也

左傳曰風其病維何春氣所升善病

而四肢亦受病也

熱

鼻中出血水曰熱蓋內有熱血為病而外有頭與頸

項為病也

病在胃脇

以心之脉循胃脇也長夏善病洞泄寒中以

土主于中脾氣衰也秋善病風癰以涼氣折暑故病如

是也生氣通天論曰魄汗未盡形弱而氣燥穴俞以開

冬善病痺癰蓋以冬氣者病在腰股又在四肢故痺病

厥病從之而生矣痺病詳見痺論四十三然不翕聚則

不能發散不專一則不能直遂故必冬時宜藏而後春

夏秋冬不能為病生氣通天論云因于寒欲如運樞起

居如驚。神氣乃浮。正言冬時宜藏。故有所意欲。當如運  
樞以轉戶。戶動而樞不動也。使起居如驚。斯神氣浮散  
于外矣。况按者。按摩也。蹠者。如蹠捷者之舉動手足。所  
謂導引者是也。冬而按蹠。則不能藏精神氣。浮散而春  
夏秋冬各有其病。故冬不按蹠。則春夏秋之病。如上文  
者皆少矣。何也。精者。身之本也。冬不按蹠。以藏其精。故  
春不病溫。不特不病。飢飢及不病。頸項已也。且精之在  
內者。不可出。而邪之在外者。不可入。彼秋病風瘧者。雖  
由冬不藏精而然。亦由夏時暑汗不出所致也。生氣通  
體若燔炭。汗出而散。熱論云。暑當與此皆因時為病。脉

汗皆出。勿止。故暑汗不出。至秋為瘧。

亦宜知。乃平病人之脉法也。可不合病脉而合觀之哉。故曰。陰中有陰。陽中有陽。平旦至日中。天之陽。陽中之陽也。日中至黃昏。天之陽。陽中之陰也。合夜至雞鳴。天之陰。陰中之陰也。雞鳴至平旦。天之陰。陰中之陽也。故人亦應之。夫言人之陰陽。則外為陽。內為陰。言人身之陰陽。則背為陽。腹為陰。言人身之藏。腑中陰陽。則藏者為陰。府者為陽。肝心脾肺腎五藏皆為陰。膽胃大腸小腸膀胱三焦六府皆為陽。所以欲知陰中之陰。陽中之陽者。何也。為冬病在陰。夏病在陽。春病在陰。秋病在陽。皆視其所在。為施鍼石也。故背為陽。陽中之陽。心也。背為陽。陽中之陰。肺也。腹

為陰。陰中之陰腎也。腹為陰。陰中之陽肝也。腹為陰。陰中之至陰脾也。此皆陰陽表裏內外雌雄相輸應也。故以應天之陰陽也。

此言天有陰陽而人身與病皆應之也。故曰陰者固陰也。而陰中又有陰陽者固陽也。而陽中又有陽何也。平旦至日中屬天之陽。然由日之升而至于中天乃陽中之陽也。日中至黃昏屬天之陽。然由日之晏而至于日入乃陽中之陰也。合夜至雞鳴屬天之陰也。然時正沉晦乃陰中之陰也。靈樞營衛生會篇謂之合陰雞鳴至平旦屬天之陰。然時已近曉陰中之陽也。故人亦應之。夫言人身之

內外分陰陽。則在外爲陽。在內爲陰。言人身之前後分陰陽。則在背爲陽。在腹爲陰。言人身之藏府分陰陽。則在藏爲陰。在府爲陽。蓋以肝心脾肺腎五藏皆爲陰。膽胃大腸小腸膀胱三焦六府皆爲陽。所以欲知陰中之有陰陽。中之有陽者。何也。爲冬者。陰也。而冬病在陰經。故當知陰中之有陰也。夏者。陽也。而夏病在陽經。故當知陽中之有陽也。春則去冬未遠。其病猶在于陰經。秋則去夏未遠。其病猶在于陽經。各視其病之所在。爲施鍼石耳。用藥亦然故背爲陽。心肺居背上。附于背爲陽。然心爲牡藏。爲陽中之陽。肺爲牝藏。爲陽中之陰。腹爲陰。脾

肝腎皆居膈下。脾居大腹之中。腎肝居小腹之中。皆附于腹。故皆爲陰。然腎爲牝藏。爲陰中之陰。肝爲牡藏。爲陰中之陽。脾爲牝藏。爲陰中之至陰。此皆陰陽表裏內外雌雄相輸應也。故以人之陰陽而應天之陰陽者如此。唯能知人之陰陽。斯可以治病矣。

帝曰。五藏應四時。各有收受乎。岐伯曰。有。東方青色入通于肝。開竅于目。藏精于肝。其病發驚駭。其味酸。其類草木。其畜雞。其穀麥。其應四時。上爲歲星。是以春氣在頭也。其音角。其數八。是以知病之在筋也。其臭臊。

此以下五節言五藏上應四時而各有所收受也。如日精日

病曰味之類皆其所收受者東方甲乙木其色青吾人之肝屬木故

內入通于肝而外開竅于目正以目為肝之外候也其

精則仍藏之于肝耳木精之氣其神魂所謂精者魂也

肝藏魂病象木而有屈伸故發為驚駭陰陽應象大論曰

木生酸酸生肝故其味酸肝性柔而能曲直故其類為

草木也易曰巽為雞木主巽故其畜雞麥為五穀之長

故肝之為穀曰麥禮月令孟春仲春季春之月天子食麥與羊木之精氣上

為歲星故應四時之星當為歲星也歲星十二年一周天春氣

上升故其應在頭其在五音則為角蓋以角者木音也

孟春之月律中太簇林鍾所生三分益一管率長八寸

仲春之月律中夾鍾夷則所生三分益一管率長七寸

五分季春之月律中姑洗南呂所生三分木生數三成

數八故曰其數八易曰天三生木地八成之肝主筋是以知病之在

筋也其在五臭則為臊蓋氣因不變則為臊也禮月令曰其臭

臊同肝之所收受者如此

南方赤色入通于心開竅于耳藏精于心故病在五藏其

味苦其類火其畜羊其穀黍其應四時上為熒惑星是以

知病之在脉也其音徵其數七其臭焦

南方丙丁火其色赤吾人之心屬火故內入通于心而

外開竅于耳陰陽應象大論曰心在竅為舌腎在竅為

耳而此又以耳為心之竅可見心之為竅不但在舌而



又在耳也。

繆判論曰手足少陰太陰足陽明之絡皆其會于耳中上絡左角則耳信為心之竅也。

精則仍藏之于心耳。火精之氣其神神。所謂精者神也。

心為五藏之君主。故心有病五藏應之。陰陽應象大論

曰。火生苦。苦生心。故曰其味苦。心屬火而上炎。故曰其

類火。丘常政大論曰。其齒黑。而此曰羊者。意以午未皆

屬南方耳。赤色赤。故曰其穀黍。南方火星曰熒惑。其應

四時之星。當為熒惑也。

熒惑星七百四十日一周天。

心主而肺是以

知病之在肺也。其在五音則為徵。以徵者火音也。

五音之

律中仲呂。無射所生三分益一。管率長六寸七分。仲呂

之月律中蕤賓。應鍾所生三分益一。管率長六寸三分。

季夏之月律中林鍾。黃鍾所生三分減一。火之生數二。成

一。管率長六寸。凡此三管皆火氣應之。

數七。故曰其數七。

地二生火  
天七成之

凡物火變則爲焦。故其臭

焦。心之所收受者如此。

中央黃色入通于脾。開竅于口。藏精于脾。故病在舌本。其味甘。其類土。其畜牛。其穀稷。其應四時。上爲鎮星。是以知病之在肉也。其音宮。其數五。其臭香。

中央戊己土。其色黃。吾人之脾屬土。故肉入通于脾。而外則開竅于口。其精則仍藏之于脾耳。蓋土精之氣。其神意所謂精者。意也。脾之脉上連于舌本。故病在舌本。土爰稼穡。稼穡作甘。故其味甘。脾性安靜。而統貫四藏。故曰其類土。土旺四季。而丑牛色黃。故其畜牛。稷之色

黃而其味甘。故其穀稷。土之精氣。上為鎮星。故脾應四時。當為鎮星也。鎮星二十八。脾在體為肉。是以知病之在肉也。宮者土之音。故其音宮。律書以黃鐘為濁宮。林鐘為清宮。以林鐘當六月。管也。五音以宮為主。律呂初天以五生土。而地以土起于黃鐘。為濁宮。黃鐘為清宮。天以五生土。而地以土成之。故其數五。凡物因土變則為香。故其臭香。脾之所收受者如此。

西方白色。入通于肺。開竅于鼻。藏精于肺。故病在背。其味辛。其類金。其畜馬。其穀稻。其應四時。上為太白星。是以知病之在皮毛也。其音商。其數九。其臭腥。

西方庚。其色白。人之肺屬金。故內入通于肺。而

外則開竅于鼻。肺主氣。是通氣故開竅于鼻。其精則仍藏之于肺耳。蓋金精之氣。其神魄。所謂精者。魄也。肺在胃中懸于背。背為胃中之府。故病在背。陰陽應象大論曰。金生辛。辛生肺。故其味辛。肺主聲而堅勁。故其類金。易以乾為金。乾為馬。故其畜馬。稻之性堅而色白。故其穀稻。金之精氣土為太白星。故上應四時之星。當為太白星也。太白星三百六十五日一問天肺主身之皮毛。是以知病之在皮毛也。時至秋而肅殺。故在奇則為商。孟秋之月律中夷則。太白所生三分減一管。半長五寸。分仲秋之月律中南宮太簇所生。三分減一管。半長五寸。二分季秋之月律中無射。夾鐘所生。三分減一管。半長五寸。是三管皆金氣應之地。以四生金。而天以九成。

之故其數九凡氣受金變則爲腥故其臭腥肺之所收受者如此

北方黑色入通于腎開竅于二陰藏精于腎故病在谿其味鹹其類水其畜彘其穀豆其應四時土爲辰星是以知病之在骨也其音羽其數六其臭腐

北方壬癸水其色黑吾人之腎屬水故內入通于腎而

外開竅于二陰二陰者前陰後陰也前大小便五常取大論云其主二陰

以二陰居下腎主水實主之其精則仍藏之于腎其水

精之氣其神志所謂精者志也氣穴論曰肉之大會爲

谷肉之小會爲谿水之流注在谿故病在谿陰陽應象

大論曰水生鹹鹹生腎故其味鹹腎主水而性潤故其  
類水易曰坎為豕腎之所屬在坎故其畜豕豕也  
豆主黑色故其穀豆求早以豆之水之精氣土為辰星  
故上應四時之星當為辰星也腎主骨是以知病之在  
骨也羽者水之音故其音羽通冬之月律中蕤賓姑洗  
寸七分半仲冬之月律中黃鍾仲夏之月律中蕤賓  
率長九寸季冬之月律中太呂一實所生三分益一管  
率長八寸四分凡天以一生水而地以六成之故其  
數六凡物因水變則為朽腐之氣故其臭腐禮月令云其臭朽腐  
與腐腎之所收受者如此

故善為脉者謹察五藏六府一逆一從陰陽表裏雌雄之

紀藏之心意合心于精非其人勿教非其真勿授是為得道

此結上文而言善脉者之必察藏府也。及四時者為逆順四時者為從善為脉者必察藏府之逆從及陰陽表裏雌雄相應之紀藏之心意之中合于精微之內彼非可教則不輕教此非真言則不輕授是謂得正道之傳者矣。

陰陽應象大論篇第五

此篇以天地之陰陽萬物之陰陽合于人身之陰陽其象

相應故名篇其義無窮學者當思之

黃帝曰陰陽者天地之道也萬物之綱紀變化之父母生

殺之本始。神明之府也。

天元紀大論鬼臾區曰夫五運陰陽者天地之道也。萬物之綱紀。變

化之父母。生殺之本始。神明之府也。可不通乎。與此同。

此言陰陽盡天地之道。而萬物賴之以為主也。帝言自

太極分而為陰陽。陰陽分而為五行。故五行一陰陽。陰

陽一太極。則是陰陽者。所以代太極而總五行者也。天

地之道盡于是矣。

易曰一陰一陽之謂道。

萬物得是陰陽而統之

為綱。散之為紀。

王註曰此言滋生之用也。陽與之正氣。以生陰為之主。持以立。故為萬物之綱。

紀陰陽離合論曰陽與之正陰為之主。

天元紀大論曰物生謂之化。物極

謂之變。萬物得是陰陽。而或變或化。皆以是為父母焉。

六經皆大論五常政大論皆以生為化。萬物得是變其義同。王註謂腐化為萬物變化甚微。

萬物得是



陰陽而或生或殺皆以之為本為始焉

王註曰此言寒暑之用也萬物

假陽氣溫而生陰氣寒而死

然所以為變化生殺之端者實有神明

居其中耳

易曰陰陽不測謂之神天元紀大論亦云然其下文又曰天地之動靜神明為之綱紀

治病必求于本故積陽為天積陰為地陰靜陽躁陽生陰

長陽殺陰藏陽化氣陰成形寒極生熱熱極生寒寒氣生

濁熱氣生清清氣在下則生飧泄濁氣在上則生膈脹此

陰陽反作病之逆從也

膈胃真切肉脹起

由上文觀之則陰陽者萬物之本也人身有是陰陽而

有病亦以陰陽為本凡治病者必求于本可也試以天

地以陰陽為本而推及人身之有病者觀之故天位乎

上乃陽氣之所積也。地位乎下，乃陰氣之所積也。地之陰主靜而有常，天之陽主躁而不息。然天雖主陽而陽中有陰，故其于萬物之生長也，陽生之而陰長之。地雖主陰而陰中有陽，故其于萬物之殺藏也，陽殺之而陰藏之。殺者肅殺之殺，非殺戮之謂也。天元紀大論曰：天陽殺陰藏，與此同。故當以天地分之。新校正之言，雖可觀，而以坤為長，以乾為殺，則與天元紀大論之分天地者異。故不取之。故陽化萬物之氣，而吾人之氣由陽化之；陰成萬物之形，而吾人之形由陰成之。是以吾人有寒，寒極則生而為熱，如今傷寒而反為熱證者，此其一端也。吾人有熱，熱極則生而為寒，如今內熱已極而反生寒慄。

者。此其一端也。寒氣主陰，陰主下凝而不散。故濁氣生焉。熱氣主陽，陽主上升而不凝。故清氣生焉。清氣主陽，宜在上；今反在下，則生飧泄，蓋有降而無升也。濁氣主陰，宜在下；今反在上，則生腹脹，蓋有升而無降也。此其陰陽相反而作此病。病之所以爲逆也。反是則爲從矣。故曰治病必求于本。正以人身之有病，無非陰陽以爲之本也。按自陽化氣以下，即當着人身說者。觀下清氣濁氣之爲在下，在上生病，口氣紫頂，則陽化氣

四句不得此說

故清陽爲天，濁陰爲地。地氣上爲雲，天氣下爲雨。雨出地氣，雲出天氣。故清陽出上竅，濁陰出下竅。清陽發腠理，濁

陰走五藏清陽實四肢濁陰歸六府

此亦卽天地由陰陽以爲之升降而及人身之凡屬陰陽者亦有升降之妙也故積陽爲天則陽氣之至清者爲天也積陰爲地則陰氣之至濁者爲地也然地雖在下而陰中之陽者升故其上也爲雲張子曰正蒙云陰爲陽所升則謂之雲而天雖在上而陽中之陰者降故其下也爲雨正蒙云陽爲陰所降則謂之雨果則相持由雲而後有雨則雨雖天降而實本之地氣爲雨而降由雲而後有雨則雨雖天降而實本之地氣所升之雲也故雨出地氣由雨之降而後有雲之升則雲雖地升而實本之天氣所降之雨也故雲出天氣夫陰陽升降唯一氣以爲合一之妙者如此曷卽人身觀

之凡人身之物有屬清陽者焉如清陽之類則出于上竅

耳目口鼻之為七竅者皆清陽之所出也有屬濁陰者

焉如清陽之類則出于下竅前陰後陰之為二竅者皆濁陰

之所出也凡人身所用之物亦有屬清陽者焉如飲食

性有屬陽之類惟陽者主升故發于腠理

以腠理主表為陽也如飲食之類亦有屬

濁陰者焉如飲食之類惟陰者主降故走于五藏以五

藏主裏為陰也如飲食之類凡清陽之物實于四

肢以四肢為諸陽之本也如清陽之類凡濁陰之物歸于六

府以六府受化物而不藏也如清陽之類凡人身之有陰陽

其清濁升降之妙何以異于天地哉按湯液不草李東垣云清陽發腠理

清之清者也清陽走五藏濁之清者也皆指物類而言蓋

之濁者也濁陰走五藏濁之清者也皆指物類而言蓋

東垣以下文辛甘發散為陽二句牽屬成文不玩此節

上文天地陰陽發散之義故不察清陽此上發二句

指人身言不察清陽發散之義故不察清陽此上發二句

氣味厚薄寒熱陰陽升降固以氣之薄屬肺其藥主大

苓氣之厚薄寒熱陰陽升降固以氣之薄屬肺其藥主大

黃味之薄屬肺其藥主麻黃蓋不分藥性自分經絡而

說也

水為陰火為陽陽為氣陰為味味歸形形歸氣氣歸精精

歸化精食氣形食味化生精氣生形

夫陰陽者萬物之父母而水火者實陰陽之徵兆舉水

火而足以盡陰陽矣下文曰水火者陰陽之徵兆舉水

兆又天元紀大論亦云然故水為

陰而凡物之成于水者屬陰。火爲陽而凡物之成于火者屬陽。凡物必有氣。陽成之也。故陽爲氣。凡物必有味。陰成之也。故陰爲味。凡物之味所以養吾人之形。故味歸于形。正以形體屬陰。上文曰陰成形而味亦爲陰也。然吾人之形必歸于吾人之氣。豈非形必資氣而後生乎。此主人身之氣。凡物之氣所以養吾人之精。故氣歸于精。正以精屬陽而氣亦屬陽也。然吾人之精必歸于吾精之化。豈非精必資化而後有乎。所謂氣歸于精。以精能食萬物之氣也。精賴氣而生。猶云食此氣耳。主身言所謂味歸于形者。以形能食萬物之味也。形賴味而生。猶云食此味

耳。所謂精歸化者。以化生此精也。化爲精之母。故精歸于化耳。所謂形歸氣者。以氣生此形也。氣爲形之父。故形歸于氣耳。指人身言其曰水爲陰火爲陽陽爲氣陰爲味表萬物之氣味所由成也其曰味歸形形歸氣言味歸人身之形而形又歸于人身之氣皆根第一味字而言也其曰氣歸精指萬物之氣言精歸化言氣歸人身之精而精又歸于人身之化皆根第一氣字而言也其曰精食氣者明上文氣歸精也其曰形食味者明上文味歸形也其曰化生精者明上文精歸化也其曰氣生形者明上文形歸氣也。指人身言末四句明上文中四句也其曰



陽為氣。氣歸精。精食氣。三氣字。指萬物之氣也。其曰形

歸氣。氣生形。二氣字。指人身自有之氣也。後世不明此

以其氣字

味傷形。氣傷精。精化為氣。氣傷於味。

此言過者。互有所傷。而亦互有所傷也。夫味歸形。而形

食味。則凡物之味。固所以養形也。然味或太過。適所以

傷此形耳。如生氣通天論第十節。陰之所生。本在五味。

亦味為酸。而酸又傷筋。亦是也。氣歸精。而精食氣。則凡物之氣。固所以

養精也。然氣或太過。適所以傷此精耳。上文言味能傷

形。則萬物有味。必有氣。其氣豈不傷精。又嘗互以推之。化生精者。不自化

也其始由氣以化之然精歸于化則既而精必化爲氣  
蓋不但氣之能生形而形歸于氣也正以精氣形三者  
相須以有成耳然則凡物之味既能傷人之形獨不能  
傷人之氣乎左傳晉齊師曰味以行氣故曰精化爲氣氣傷于味又  
嘗由此推之彼人之氣能生形而形又歸于人之氣則  
凡物之氣既能傷人之精獨不能傷人之形乎

陰味出下竅陽氣出上竅味厚者爲陰薄爲陰之陽氣厚  
者爲陽薄爲陽之陰味厚則泄薄則通氣薄則發泄厚則  
發熱壯火之氣衰少火之氣壯壯火食氣氣食少火壯火  
散氣少火生氣

按此節前氣字三主凡物之氣  
言後氣字六主人身之氣言

此言凡物之氣味有厚薄。而人身之氣所由以盛衰也。  
凡物之有味者屬陰。而人身之下竅亦屬陰。故味出于  
下竅。凡物之有氣者屬陽。而人身之上竅亦屬陽。故氣  
出于上竅。然味之大體固為陰。而其陰中亦有陽。故味  
之厚者為純陰。而味之薄者為陰中之陽也。氣之大  
體固為陽。而其陽中亦有陰。故氣之厚者為純陽。而氣  
之薄者為陽中之陰也。唯味之厚者為純陰。所以用  
之則泄瀉其物于下。如大黃氣大寒味極厚為陰中之  
陰主于泄瀉李東垣曰酸苦鹹寒  
味之薄者為陰中之陽。所以用之則流通。不至于泄  
瀉也。如木通澤瀉為陰中之陽主于  
流通李東垣曰酸苦鹹平是也氣之薄者為陽中

之厚所以用之則發其汗于上

如麻黃湯氣之薄者陽也升也故能發表出汗

李東垣曰辛甘淡平涼寒是也

氣之厚者為純陽所以用之則發熱不

止于發汗也

東垣曰辛甘溫熱是也

李若愚者何也蓋

以氣味太厚者火之壯也

能當之而反寒矣

如用烏附之類而吾人氣味之溫者

火之少也用少火之品則吾人之氣漸尔生旺而益壯

矣

如用參歸之類而何以壯火之氣衰也正以壯火能

食吾人之氣故壯火之氣自衰耳何以少火之氣壯也

正以吾人之氣能食少火故少火之氣漸壯耳惟壯火

為能食人之氣此壯火所以能散吾人之氣也食則必

散散則必衰故曰壯火之氣衰惟吾人之氣為能食少  
火之氣此少火所以能生吾人之氣也食則必生生則  
必壯故曰少火之氣壯按此節分明論萬物有陰陽氣  
發泄為發熱及衰壯生散之義正註不明與  
前後陰陽氣味俱無着非本篇之大旨也  
按湯液本草李東垣用藥法象云

氣之薄者陽中之陰氣薄則發泄辛甘淡平寒涼是  
也

茯苓氣平味甘

澤瀉氣平味甘

猪苓氣寒味甘

滑石氣寒味辛

瞿麥氣平味甘

車前子氣寒味甘

燈心草氣平味甘

五味子氣溫味酸

桑白皮氣寒味苦

天門冬氣寒味微苦

白芍藥氣微寒味酸

麥門冬氣寒味微苦

犀角氣寒味酸苦

烏梅氣平味酸

牡丹皮氣寒味苦

地骨皮氣寒味苦

枳殼氣寒味苦

琥珀氣平味甘

連翹氣平味苦

枳實氣寒味苦酸

木通氣平味甘

蔓荊子氣平味辛

川芎氣溫味辛

天麻氣平味苦

秦艽氣微溫味苦辛平

荆芥氣溫味苦辛

麻黃氣溫味苦甘

前胡氣微寒味苦

薄荷氣溫味苦辛

氣之厚者陽中之陽氣厚則發熱辛甘溫熱是也

黑附子氣熱味大辛

烏頭氣熱味大辛

乾姜氣熱味大辛

乾生薑氣溫味辛

良姜氣熱味甘辛

肉桂氣熱味大辛

桂枝

氣熱  
味甘辛

草豆蔻

氣熱  
味大辛

丁香

氣溫  
味辛

厚朴

氣溫  
味辛

木香

氣熱  
味苦辛

益智

氣熱  
味大辛

白豆蔻

氣熱  
味大辛

川椒

氣熱溫  
味大辛

吳茱萸

氣熱  
味苦辛

茴香

氣平  
味辛

延胡索

氣溫  
味辛

縮砂

氣溫  
味辛

紅藍花

氣溫  
味辛

神麴

氣大暖  
味甘

戊濕其本氣平其無氣溫涼寒熱在人以胃應之

已土其本味鹹其無味辛甘鹹苦在人以脾應之

黃芪

氣溫平  
味甘

人參

氣溫  
味甘

甘草

氣平  
味甘

當歸

氣溫味辛  
一作味甘

熟地黃

氣寒  
味苦

半夏

氣微寒  
味辛平

白朮

氣溫  
味甘

蒼朮

氣溫  
味甘

陳皮

氣溫  
味苦

青皮氣溫味辛

藿香氣微溫味甘辛

檳榔氣溫味辛

莪朮氣溫味苦辛

京三稜氣平味甘辛

阿膠氣微溫味甘辛

訶子氣溫味苦

杏仁氣溫味甘苦

大麥蘖氣溫味甘

桃仁氣溫味甘苦

紫草氣寒味甘

蘇木氣平味甘鹹一作味酸

味之薄者陰中之陽味薄則通酸苦鹹平是也

防風純陽氣溫味甘辛

升麻氣平味甘辛

柴胡氣平味甘辛

羌活氣微溫味甘辛

歲靈仙氣溫味甘

葛根氣平味甘

獨活氣微溫味甘辛

細辛氣溫味甘辛

桔梗氣微溫味甘辛

白芷氣溫味大辛

藁本氣溫味大辛

鼠粘子氣平味辛

味之厚者陰中之陰味厚則泄酸苦鹹氣寒是也



大黃氣寒味苦

黃蘗氣寒味甘

黃芩氣寒味苦

黃連氣寒味苦

石膏氣寒味辛

草龍膽氣寒味大苦

生地黃氣寒味苦

知母氣寒味大辛

防己氣寒味大苦

茵陳氣微寒味苦平

朴硝氣苦辛

瓜蒌根氣寒味苦

牡礪氣微寒味鹹平

玄參氣微寒味苦

山梔子氣微寒味苦

川練子氣寒味苦平

香薷氣寒味苦

地榆氣微寒味甘

愚按後世之醫用藥頗知寒熱溫平而陰陽清濁升降浮沈之義則未之察故藥不奏效惟東垣能識此義其所列諸藥雖有未盡然大體不外乎此也

氣味辛甘發散為陽酸苦湧泄為陰陰勝則陽病陽勝則陰病陽勝則熱陰勝則寒重寒則熱重熱則寒寒傷形熱

傷氣氣傷痛形傷腫故先痛而後腫者氣傷形也先腫而後痛者形傷氣也

聲平

此申言氣味太過者必有所傷而又推言形氣受傷于寒熱者有各病互病之機也夫凡物之氣大體爲陽凡物之味大體爲陰然而氣主發散者固爲陽其味之辛甘者亦爲陽味主酸苦者固爲陰其氣之湧泄者亦爲陰正以氣之陽中有陰味之陰中有陽也故用酸苦湧泄之品至于太過則陰勝矣

陰承上文

物類而言

陽分不能敵陰品而陽分斯病也

陽主人身陽分言凡人身之屬陽分與手

足六陽

經皆是用辛甘發散之品至于太過則陽勝矣

陽承上文物類

而陽勝則吾人之陰分不能敵陽品而陰分斯病也陰主

人身陰分言凡人身之屬所謂陽勝則陰病者何也蓋

以陽勝則太熱彼陰分安得而不病乎所謂陰勝則陽

病者何也蓋以陰勝則太寒彼陽分安得而不病乎然

陰勝雖寒而寒之又寒是重寒也寒久則熱生如今冬

是重寒也而至春為溫至陽勝雖熱而熱之又熱是重

熱也熱久則寒生如今病熱極者而反生寒慄之類凡

與下文重陰必陽重上文寒熱俱主人身病體言此二句

能致吾人之病故寒者能傷吾人之形正以寒為陰而

形亦屬陰寒則氣收而形斯傷矣本篇第二節熱者能

本篇第二節

熱者能

傷吾人之氣。正以熱為陽。而氣亦屬陽。是則氣散而通。

斯病矣。

第二節云 陽化氣

夫惟熱之傷氣也。則氣之傷者。其痛

生焉。

所謂諸痛皆屬于火者是也。夫惟寒之傷形也。則

形之傷者。其腫生焉。所謂寒則堅凝。而腫斯作也。然其

為腫為痛。復有相因之機。先有是痛。而後發腫者。蓋以

氣先受傷。而形亦受傷。謂之氣傷形也。先有是腫。而後

為痛者。蓋以形先受傷。而氣亦受傷。謂之形傷氣也。形

非氣不充。氣非形不生。形氣相為依附。而病之相因者。

又如此。

按至真要大論帝曰五味陰陽之用何如岐伯曰辛甘發散為陽酸苦涌泄為陰鹹寒涌泄為

陰淡味滲泄為陽六者或收或散或緩或急或燥或潤或更或堅以所利而行之調其氣使其平也

風勝則動。熱勝則腫。燥勝則乾。寒勝則浮。濕勝則濡。馬按

元正紀大論載此五句末多甚則水開腫一句附附同乾音干

此因上文言寒熱之所傷者。而又悉推之也。天有六氣。

不但寒熱已也。故風氣勝者。吾人之體從之而動焉。如

振掉搖動之類皆是也。左傳曰風熱氣勝者。吾人之體

從之而腫焉。凡癰腫之類皆是也。上文言熱傷氣。氣傷

痛。而此止言腫者。未有腫而不痛也。但此乃癰腫之腫。

與上文形傷腫之腫有不同耳。彼所謂腫。乃寒氣之所

傷者。卽下文之所謂浮也。燥氣勝者。吾人之體從之而

乾焉。如津液枯涸。皮膚燥澁之類是也。寒氣勝者。吾人

之體從之而浮焉。卽上文之寒傷形而形傷腫者是也。  
濕氣勝者。吾人之體從之而濡焉。脾胃惡濕喜燥。而  
濕氣太過。則土不勝水。而濡瀉之病作矣。六元正紀大  
論承此數語。而又曰。甚則水閉。胕腫。蓋濡瀉者。病之未  
甚也。唯土不勝水。則不能下輸膀胱。而內則爲水閉。及  
水氣泛溢。四支而外。則爲胕腫。較之濡瀉爲尤甚焉。  
天有四時五行。以生長收藏。以生寒暑燥濕風。人有五藏  
化五氣。以生喜怒悲憂恐。故喜怒傷氣。寒暑傷形。暴怒傷  
陰。暴喜傷陽。厥氣上行。滿脉去形。喜怒不節。寒暑過度。生  
乃不固。故重陰必陽。重陽必陰。故曰。冬傷于寒。春必溫病。

春傷于風夏生飧泄夏傷于暑秋必痲痺秋傷于濕冬生

欬嗽

按天元紀大論云天有五行御五位以生寒暑燥濕

甫士安言

悲者以悲能勝怒取五志迭勝而言思者以脾

之志為思也

又按重陰必陽至末十句與靈樞論疾診天

篇第十七節大義相同又按春傷于風四句與生氣通天論大同

此承上文言六氣所傷而合內傷外感者以悉推之也

夫寒暑燥濕風皆能有所傷矣然是寒暑燥濕風乃天

之所生也天有春夏秋冬之四時金木水火土之五行

以生長收藏而寒暑燥濕風之六氣從茲而生焉蓋春

屬木主生而風之所以生也夏屬火主長而暑之所以

生也長夏屬土主化而濕之所以生也秋屬金主收而

燥之所以生也。冬屬水主藏而寒之所以生也。人有肝  
心脾肺腎之五藏以化五藏之氣而喜怒悲憂恐之五  
志從茲而生焉。蓋肝在志爲怒心在志爲喜脾在志爲  
思肺在志爲憂腎在志爲恐也。故喜怒之所生者皆生  
于吾人之氣則喜怒不節遂能傷吾人之氣也。舉喜怒  
而凡思憂恐可知矣。如怒傷肝喜傷心思傷脾憂傷肺  
恐傷腎者是也。寒暑之所勝者皆勝于形則寒暑能傷  
吾人之形也。舉寒暑而凡燥濕風可推矣。如上文風勝  
則動五句是也。上文言寒傷形熱傷氣而此皆言傷形  
者蓋彼乃析而言之以寒形屬陰熱氣屬陽此乃統而



言之則形可以兼氣也。不惟是也。暴怒者。猝暴而怒也。肝在志爲怒。舉痛論言怒則氣上。則暴怒者。氣皆并于上。而營氣不能下生矣。暴喜者。猝暴而喜也。心在志爲喜。舉痛論言喜則氣緩。則暴喜者。氣爲之緩。無所主持。而衛氣不能外達矣。正以怒之過者。氣必厥逆上行。而喜怒之過者。脉必因暴而消。均足以有傷也。故知喜怒不節。寒暑過度者。其生乃不固耳。何以見寒暑不可過度也。蓋時之屬陰者。而復感于寒。則重陰必陽。熱證乃作。時之屬陽者。而復感于熱。則重陽必陰。寒病乃生。試觀冬傷于寒。寒毒藏于肌膚。至春當爲溫病。春傷于風。

風氣通于肝。肝邪有餘。來侮脾土。智運至夏。當為飧泄。

之證。

生氣通天論曰。春傷于風。邪氣鬱結。乃為泄泄。

夏傷于暑。暑汗不出。至秋

涼氣相薄。而為寒熱往來之瘧。

生氣通天論。

秋傷于濕。則濕

蒸而為熱。熱者火也。火乘肺金。而至冬寒與熱搏。當為

欬嗽之證。故即春夏之病。則重陽必陰之義可識矣。即

秋冬之病。則重陰必陽之義可識矣。

按此事難知。集李東垣有冬陽於寒

四篇乃以冬為寒。今等義為說。是有關於時令。而無關於人事。且非人人可病。非幸節之經旨也。

帝曰。余聞上古聖人論理人形。列別藏府。端緒經脉。會通

六合。各從其經。氣穴所發。各有處名。絡谷屬骨。皆有所起。

分部逆從。各有條理。四時陰陽。盡有經紀。外內之應。皆有

表裏其信然乎。別彼劣切

帝問上古聖人。人有形體。則論理之。如靈樞經水勝人有

藏府。則別列之。如靈樞經水勝人有經脉。則端緒之。如

經脉經脉有六合。則會通之。如靈樞經別使之各從其

經。九氣穴所發。各有其處。且有其名。如本經有肉之大

會為谷。小會為谿。九谿谷屬骨。皆有所起。如平經有氣

等篇分部逆從。各有條理。如本經有皮四時陰陽。盡

有經紀。如本篇下外內之應。皆有表裏。如本經而氣形

陽明篇表裏之謂

岐伯對曰。東方生風。風生木。木生酸。酸生肝。肝生筋。筋生

心肝主目。其在天爲玄。在人爲道。在地爲化。化生五味。道生智。玄生神。神在天爲風。在地爲木。在體爲筋。在藏爲肝。在色爲蒼。在音爲角。在聲爲呼。在變動爲握。在竅爲目。在味爲酸。在志爲怒。怒傷肝。悲勝怒。風傷筋。燥勝風。酸傷筋。辛勝酸。

此節大器見天元紀大論。唯五行大論文較此更詳。

此五節伯詳五藏之通于三才者而對之。見上古聖人所以如上節所云者。以其盡三才之道也。東方主春。陽氣上升。故東方生風。風鼓則木榮。故風生木。木之性曲直作酸。故木生酸。人身之肝屬木。木性屬酸。故酸生肝。諸筋者皆屬于肝。故肝生筋。木主生火。故筋生心。目者

肝之竅故肝主目又嘗卽天地人而統言之不過一理  
焉耳其在天也爲玄玄者冥漠之稱其在人也爲道道  
者共由之理其在地也爲化化者造物之能惟地有是  
化則品物形而五味生惟人有是道則大道彰而明智  
生惟天有是玄則玄功著而至神生此可見三才惟一  
理也即子皇極經世云道爲天地之本天地爲萬物之本以天地觀萬物爲物以道觀天地則天地亦爲萬物又言又嘗卽前所言者而極推之其在天  
道三云天正地五氣爲風在地五行爲木在人五體爲筋在五藏爲肝  
在五色爲蒼在五音爲角在五聲爲呼在五變爲握指木  
爲末在五竅爲目在五味爲酸在五志爲怒名雖萬殊

理無二致。皆屬之于木而已。然木藏之太過者。反有所傷。而唯本藏之所不勝者。爲能制之也。故在志爲怒。怒太過則傷肝。惟肺金主悲。爲能勝怒。在天爲風。風氣通于肝。則傷筋。惟西方味辛。爲能勝酸。此皆金能尅木。故制其所勝者如此。

南方生熱。熱生火。火生苦。苦生心。心生血。血生脾。心主舌。其在天爲熱。在地爲火。在體爲脉。在藏爲心。在色爲赤。在音爲徵。在聲爲笑。在變動爲憂。在竅爲舌。在味爲苦。在志爲喜。喜傷心。恐勝喜。熱傷氣。寒勝熱。苦傷氣。鹹勝苦。

南方主夏陽氣炎蒸故生熱熱極則生火火性炎上其  
味作苦故人生苦人心屬火火性暴苦故苦生心諸血  
者皆屬于心故心生血脾為土火生土故血生脾舌為  
心之苗故心主舌此缺在天為六節者蓋天地人三  
大義直于上節餘四節不必重言也  
又嘗即前所言者而極推之其在天五氣為熱在地五  
行為火在人五體為脉在五臟為心在五色為赤在五  
音為徵在五聲為笑在五變為憂在五竅為舌在五味  
為苦在五志為喜名雖萬殊理無二致皆屬之于火而  
已然本藏之太過者反有所傷而惟本藏之所不勝者  
為能制之也故在志為喜喜太過者則傷心惟腎志為

恐爲能勝喜在天爲熱熱勝則傷氣惟北方之寒爲能  
勝熱在味爲苦苦太過則傷氣惟北方之鹹爲能勝苦  
此皆水能尅火故制其所勝者如此按舊本新校正云  
此皆水能尅火故制其所勝者如此詳此篇論所傷之  
傷肉是自傷者也南方云風傷筋酸傷筋中央云濕傷肉甘  
血鹹傷血是自傷已所勝西方云熱傷皮毛是此勝傷已  
幸傷皮毛是自傷者也凡此五方所傷有此三例不同  
中央生濕濕生土土生甘甘生脾脾生肉肉生肺脾主口  
其在天爲濕在地爲土在體爲肉在藏爲脾在色爲黃在  
音爲宮在聲爲歌在變動爲噦在竅爲口在味爲甘在志  
爲思思傷脾怒勝思濕傷肉風勝濕甘傷肉酸勝甘

中央主長夏長夏者六月建未之月也四陽盡見二陰



已生陽上薄陰陰能固之蒸而為雨其濕遂生

揚上善云四陽

二陰合蒸以生濕氣愚謂正合經卦濕氣薰蒸濁者下凝故濕生土土氣

冲和故土生甘五藏唯脾屬土甘味主之故甘生脾脾

之所屬者肉故脾主肉肺屬金土生金故肉生肺脾化

水穀口實納之則口為脾竅故脾主口又即前所言者

而極推之其在天五氣為濕在地五行為主在人五體

為肉在五藏為脾在五色為黃在五音為宮在五聲為

歌在五變為噦按靈樞口問篇帝有問噦問在五味為

口靈樞本藏篇以唇之揭緩堅脆偏正驗在五味為甘

脾之高下堅脆偏正則口信為脾之竅在五志為思名雖萬殊理無二致皆屬之於土而已然

本藏之太過者及有所傷而唯本藏之所不勝者爲能制之也故在志爲思思太過者則傷脾惟肝木主怒爲能勝思在天爲濕濕太過者則傷肉惟東方之風爲能勝濕在味爲甘甘太過者則傷肉惟木味之酸爲能勝甘此皆木能尅土故制其所勝者如此

西方生燥燥生金金生辛辛生肺肺生皮毛皮毛生腎肺主鼻其在天爲燥在地爲金在體爲皮毛在藏爲肺在色爲白在音爲商在聲爲哭在變動爲欬在竅爲鼻在味爲辛在志爲憂憂傷肺喜勝憂熱傷皮毛寒勝熱辛傷皮毛苦勝辛

按五運行大論亦曰熱傷皮毛寒勝熱太素乃曰燥傷皮毛熱勝燥蓋熱固勝燥而燥極亦熱故經

文以類言者  
本有大義

西方主秋。秋氣急切。故西方生燥。金燥則有聲。故燥生金。金之性從革作辛。凡物之味辛者皆金氣之所生。故金生辛。人之五藏惟肺屬金。故辛生肺。肺主身之皮毛。故肺生皮毛。腎主水。金實生之。故皮毛生腎。肺主氣。鼻通氣。故肺主鼻。又嘗卽前所言者而極推之。其在天五氣爲燥。在地五行爲金。在人五體爲皮毛。在五藏爲肺。在五色爲白。在五音爲商。在五變爲歎。在五竅爲鼻。在五味爲辛。在五志爲憂。名雖萬殊。理無二致。皆屬之于金而已。然本藏之太過者。久有所傷。而惟本藏之所不

勝者爲能勝之也。故在志爲憂憂之過者則傷肺。惟心  
火之喜爲能勝憂在天爲燥燥之過者則熱熱傷皮毛  
惟北方之寒爲能勝熱在味爲辛辛之過者則傷皮毛  
惟火味之苦爲能勝辛此皆火能尅金故制其所勝者  
如此。

北方生寒寒生水水生鹹鹹生腎腎生骨髓髓生肝腎主  
耳其在天爲寒在地爲水在體爲骨在藏爲腎在色爲黑  
在音爲羽在聲爲呻在變動爲慄在竅爲耳在味爲鹹在  
志爲恐恐傷腎思勝恐寒傷血燥勝寒鹹傷血甘勝鹹五按  
運行大論亦曰寒傷  
血太素作寒傷骨

北方主冬。冬時陰氣凝冽。故北方生寒。寒則水氣濡潤。故寒生水。水性潤下作鹹。凡物之味鹹者。皆水氣之所生。故水生鹹。腎主水。鹹性屬水。故鹹生腎。腎主身之骨髓。故腎生骨髓。肝主木。水生之。故髓生肝。腎為北方。位居幽隱。聲入則通。故腎主耳。又嘗即前所言者。而極推之。其在天五氣為寒。在地五行為水。在人五體為骨。在五藏為腎。在五色為黑。在五音為羽。在五聲為呻。在五變為慄。在五竅為耳。靈樞本藏篇以耳之高下堅脆偏正則耳信正。故腎之高下堅脆偏正則耳信。為腎在五味為鹹。在五志為恐。名雖萬殊。理無二致。皆歸之于水而已。然本藏之太過者。反有所傷。而唯本藏

之所不勝者。爲能制之也。故在志爲恐。恐之過者則傷  
腎。惟脾土之思。爲能勝恐。在天爲寒。寒之過者則傷血。  
唯燥從生者。爲能勝寒。在味爲鹹。鹹之過者則傷血。  
惟五味之甘。爲能勝鹹。此皆土能剋水。故制其所勝者  
如此。

故曰。天地者。萬物之上下也。陰陽者。血氣之男女也。左右  
者。陰陽之道路也。水火者。陰陽之徵兆也。陰陽者。萬物之  
能始也。故曰。陰在内。陽之守也。陽在外。陰之使也。按天紀大論  
聖奧曰。天地者。萬物之上下也。左右者。陰陽之道路也。水火者。陰陽之徵兆也。金木者。生成之終始也。  
夫由上文四時五方之所生。所屬。所傷。所勝者之類觀。

之亦不外乎天地陰陽五行之妙而已。故此節首以故  
曰承之上下者。每歲司天爲天。在泉爲地。而爲萬物之  
上下也。按五運行大論岐而分明以司天在萬物生于  
泉爲說王註以天覆地載解之者陽成于陰。而自人言之。血爲陰。氣爲陽。故男爲陽。而不  
專有氣。且有血。陽中有陰也。女爲陰。而不專有血。且有  
氣。陰中有陽也。則陰陽在人。卽有血有氣之男女也。而  
萬物可類推矣。按五運行大論黃帝曰。論言天地者。萬  
物之上下。左右者。陰陽之道路。未知其所謂也。岐伯曰。  
所謂上下者。歲上下見陰陽之所在也。上謂司天。下謂在泉。左右  
者。諸上同見厥陰。厥陰司天。左少陰。右太陽。諸左謂左少陰。諸右謂右太陽。見少陰

司少陰左太陰右厥陰左間見太陰司天左少陽右少陰

左間見少陽司天左陽明右太陰左間見陽明司天左

太陽右少陽右間見太陽司天左厥明右陽明右間所

謂面北而命其位言其見也下北也左西也右東也

帝曰何謂下在岐伯曰厥陰在上則少陽在下在左陽

明右太陰右間少陰在上則陽明在下在左太陽右少

陽左間太陰在上則太陽在下在左厥陰右陽明左間

少陽在上則厥陰在下在左少陰右太陽右間陽明在

上則少陰在下在左太陰右厥陰左間太陽在上則太

陰在下在左少陽右少陰右間所謂面南而命其位言



其見也

司天者位在南。故面北而言其左右。在泉者位在北。故面南而言其左右也。上天位也。下地位也。

也。南面左東也。右西也。水火者陰陽之徵兆也。王註釋

天元紀大論云。徵信也。驗也。兆先也。言水火之寒熱彰信陰陽之先兆也。又言陰陽者。萬物之所以成其始也。而能成其終也可推矣。夫天地陰陽之妙如此。自人身而言之。有陰氣焉。乃所謂營氣也。有陽氣焉。乃所謂衛氣也。營氣者。由中焦之氣。陽中有陰者。隨上焦之氣以降于下焦而生此陰氣。故謂之曰營氣。靈樞營衛生會篇所謂營氣出於中焦。又曰清者為營是也。然陰性精專。必隨宗氣以同行于經隧之中。故曰陰在內。所以為

陽之守也。陽氣者，由下焦之氣，陰中有陽者，隨中焦之氣以升于上焦，而生此陽氣，故謂之曰衛氣。靈樞營衛生會篇所謂衛氣出于下焦，又曰濁者為衛是也。然陽性慄悍，不隨宗氣而行，而自行于各經皮膚分肉之間。故曰陽在外，所以為陰之使也。依史記黃帝紀有以師料之所居在內衛者，兵之所護在外，內經營衛二氣之意，正借此意名之。後世不明此義，蓋以營榮二字弄問互書而難經亦然，皆未考靈樞全用營字，致使營衛二氣不能明也。其升降之妙，無非天地陰陽之理，故人身陰陽之氣可以符合者如此。

帝曰：法陰陽奈何？岐伯曰：陽勝則身熱，腠理開，喘瀉為之倨仰，汗不出而熱，齒乾，以煩冤，腹滿死，能冬不能夏。陰勝

則身寒汗出。身常清。數慄而寒。寒則厥厥。則腹滿死。能夏

不能冬。此陰陽更勝之變病之形能也。為去聲。僂無辨切。乾音干。寃音婉。能

音耐。禮記禮運聖人耐以天下為一家。其耐作能。蓋古以能耐通用。蓋和陰陽二十五人篇亦有能耐作耐。數音朔。

夫人身之陰陽。有同於天地之陰陽。則人之善養者。當

法天地之陰陽也。故帝以法陰陽為問。而伯以陰陽偏

勝為病者言之。正以見陰陽不可不法也。蓋營衛和平

者。斯無偏勝之病。若營氣不足。衛氣有餘。則陽勝矣。陽

勝則身熱。熱則腠理閉。喘息盛。氣不得其平。故身為之

僂仰。使俯也。惟腠理之閉。故汗不出。而熱陽明熱盛。故齒

乾熱。內蒸。故煩寃。至腹滿而死。蓋熱極則能成脹也。冬

則寒盛夏則熱盛今陽勝而諸熱皆盛所以耐冬不耐  
夏也若營氣有餘衛氣不足則陰勝矣陰勝則身冷冷  
則勝理開開則冷汗出身常清冷數慄而寒寒則厥按  
論岐伯曰陽氣衰下則為寒厥蓋言足之三陽經其  
氣衰不勝足之三陰經則為寒厥帝曰寒厥之為寒也  
必從五指而上至膝者何也岐伯曰陰氣起于五指之  
表集于膝下而上至膝者何也故陰氣勝則從五指至膝上  
寒其寒也不從外皆從內也陽氣勝則從膝之內廉下  
也外為表裏為內乃勝之內廉也上微有熱厥而此言  
寒厥者以陰厥則腹滿死蓋寒極亦能成脹也見厥論  
勝則宜然耳厥則腹滿死蓋寒極亦能成脹也下文  
夏則熱盛冬則寒盛今陰勝而諸寒皆盛所以耐夏不  
耐冬也此陰陽更勝之變病之形狀耐受者如此

帝曰調此二者奈何岐伯曰能知七損八益則二者可調

不知用此則早衰之節也。年四十而陰氣自半也。起居衰矣。年五十體重耳目不聰明矣。年六十陰痿氣大衰。九竅不利下虛上實涕泣俱出矣。故曰知之則強不知則老。故同出而名異耳。智者察同愚者察異。愚者不足智者有餘。有餘則耳目聰明身體輕強。老者復壯壯者益治。是以聖人爲無爲之事樂恬憺之能從欲快志于虛無之守。故壽命無窮與天地終此聖人之治身也。

帝問陰陽偏勝者病何以調之。伯言營衛者卽人身之陰陽營衛不足當以人身同類之陰陽益之故能知七損八益則陰陽偏勝者可以調和。蓋女子以二七爲天

齊之始。男子以二八爲天癸之始。惟七七者損之。八者益之。卽生氣通天論所謂九陰陽之要。陽密乃固是也。則吾之衛氣不至于衰。而彼之陰氣有以助吾之營氣。二者可調矣。苟不知用此。則是早衰之節耳。何也。八年四十。以至六十年。以漸而高。則體以漸而病。故曰。早知七損八益之法者。則身體自強。不知此者。年已徒老。故陰陽之要。人所同然。而或強或老。其名則異。正以智者察同。方其未老而圖之。故智者則有餘。而耳目聰明。身體輕強。老者復壯。壯者益治矣。彼愚者察異。必待已老而圖之。故愚者不足。而不及智者遠矣。然此乃調陰陽

偏勝之術耳。惟聖人則不然。無爲之事。則爲之。恬憺之

能。則樂之。守其虛無。而從欲快志於其中。

上古天真論云。恬憺虛無。

真氣故壽命無窮。與天地終。此乃聖人之治身也。固不

至于陰陽偏勝。而亦無假于七損八益之知者矣。

天不足西北。故西北方陰也。而人右耳目。不如左明也。地不滿東南。故東南方陽也。而人左手足。不如右強也。帝曰。何以然。岐伯曰。東方陽也。陽者其精并于上。并於上則上明而下虛。故使耳目聰明而手足不便也。西方陰也。陰者其精并於下。并於下。則下盛而上虛。故其耳目不聰明而手足便也。故俱感于邪。其在上則右甚。在下則左甚。此天

地陰陽所不能全也。故邪居之。

此言人身之形體無非象乎天地。故如上文所謂法陰陽者有由也。人以耳目爲上體也。凡右耳目不如左耳目之聰明者何也。亦以頭象乎天而已。蓋天位乎上。其形體東南鯨滿而西北不足。故西北方陰也。左耳目屬東南爲陽。右耳目屬西北爲陰。今天不足西北。宜乎人之右耳目不如左耳目之聰明也。今言而人以手足爲下體也。凡左手足不如右手足之強者何也。亦以身象乎地而已。蓋地位乎下。西北鯨滿而東南不滿。故東南方陽也。右手足屬西北爲陰。左手足屬東南爲陽。今地



不滿東南宜乎人之左手足不如右手足之強也。然此乃天地陰陽之氣使然耳。東方者陽也。陽者其精氣上升而并于上。并於上則人稟天地之氣者上明而下虛。故天足東南。左耳目宜聰明也。地不滿東南。左手足宜不便也。西方者陰也。陰者其精氣下降而并于下。并于下則人稟天地之氣者下盛而上虛。故天不足西北。右耳目宜不聰明也。地滿西北。右手足宜便也。故使在上頭在下。手足者俱感于邪。其在上者則右耳目之病甚。以天不足西北也。其在下者則左手足之病甚。以地不滿東南也。凡曰甚者。以天地之陰陽所不能全也。故邪居

之者爲尤甚耳。由此觀之。則人之形體。無非與天地相  
參也。其所以法陰陽者。以此。

故天有精。地有形。天有八紀。地有五里。故能爲萬物之父  
母。清陽上天。濁氣歸地。是故天地之動靜。神明爲之綱紀。  
故能以生長收藏。終而復始。始唯賢人上配天以養頭。下象  
地以養足。中傍人事以養五藏。天氣通于肺。地氣通于嗔。  
風氣通于肝。雷氣通于心。谷氣通于脾。雨氣通于腎。六經  
爲川。腸胃爲海。九竅爲水注之氣。以天地爲之陰陽。陽之  
注以天地之雨名之。陽之氣以天地之疾風名之。暴氣象  
雷。逆氣象陽。故治不法天之紀。不用地之理。則災害至矣。

五里據下文高從理噬音益漢史宣帝薊昌邑王至京師  
不哭云噬痛即咽候也其咽音烟暴氣一本作暴風似于  
雷字不通  
宜從氣字

此承上又而極言之見人之一身無非象乎天地而人  
之治身者當法天地也故在上為天其氣至精在下為  
地其體成形天元紀大論果史區曰在天為氣在地成  
形氣相感而化生萬物矣王註云氣謂  
風熱溫燥火金水天有八節之紀地有五行之理故天以  
精地以形形氣相感而化生萬物所以為萬物之父母  
其清陽則上于天其濁陰則歸于地陰陽升降即天地  
之動靜也是故天地之動靜有神明存焉以為之綱紀  
即首節所謂神明之府者是也王註行大論黃帝問鬼  
史曰曰天地之動靜神

明篇之綱紀

故能以生長收藏乎萬物終而復始如環無端

也惟賢人者以頭象乎天也乃上配天以養其頭以足

象乎地也乃下象地以養其足以五藏在人身之中也

乃中傍人事而脩之以養五藏通三才以善養其身非

賢人不能也上古天為論岐伯曰賢人者法則天地象

交變大論岐伯曰天有日月星辰運旋陰陽分別四時氣

文下知地理中知人事可以長久然人所同于天地者

不寧唯是人之五藏上通于喉嚨其氣至清吾人之聲

音從此而發素問五藏五音無言論少師曰喉嚨者氣之所

于五藏五音之出入有會氣以為之開闔若飲佳肺

食入下咽喉者經此而過亦賴會厭以為之遮閉唯肺

為五藏之華蓋而上天之氣至清者也乃于吾肺而相

通焉六節藏象論岐伯曰天食人以五氣文曰五氣入

亦云五氣入鼻藏于心肺心人之六府上通于咽喉咽

喉者即隘也吾人之飲食從此而入咽喉為水穀之道路而

較之道路也俗云食喉是也唯咽喉為水穀之道路而

地氣至濁者也乃於此隘而相通焉六節藏象論岐伯

曰味入口藏于脾胃味有所藏以養五氣五藏別論岐

伯曰胃者水穀之海六府之大原五味入口藏于胃以

養五臟是厥陰肝經屬木上文曰風生木木生酸酸生肝

又曰在天為風在地為木在藏為肝此天之風氣所以

通于肝也雷為火心亦屬火雷主有聲而心之聲為笑

亦主有聲此天之雷氣所以通于心也谷至空虛脾能

運化其所納。此地之谷氣。所以能通于脾也。雨爲水。腎亦主水。此天之雨氣。所以通于腎也。手有三陽三陰經。足有三陽三陰經。各有六經也。手之陽經。自手走頭。陰經自腋走手足之陽經。自頭走足。陰經自足走腹。如川之流。脉絡貫通。此六經之所以爲川也。胃爲倉廩之官。凡物從此而藏。猶海之藏。垢納汗。小腸爲受盛之官。大腸爲傳道之官。此腸胃之所以爲海也。頭有七陽竅。目二鼻一。下有二陰竅。前陰後陰人身止有此九竅耳。有此九竅。則氣從此洩。猶水之流注而不閉也。又以天地之陰陽爲吾身之陰陽而論之。人之有汗。乃陽氣之發泄。是

卽陽之汗也。陽氣者其可名以天地之雨乎。人有陽氣

自氣發散通達其可名以天地之疾風乎。張子正蒙云

得入則周旋人有暴氣。卽一時暴鼓擊有聲其可以象

天之雷乎。正蒙云陽在內者不得人有逆氣。逆上其氣

必上。天之陽氣上積而升其可以象天之陽乎。夫人之

一身通于天地者如此故凡治身者當法天之紀用地

之理可也。否則災害至矣。此治字直從上節賢人

故邪風之至疾如風雨故善治者治皮毛其以治肌膚其

次治筋脉其次治六府其次治五藏治五藏者半死半生

也故天之邪氣感則害人五藏水穀之寒熱感則害於六

府地之濕氣感則害皮肉筋脉。

此承上文而言善治邪者圖之貴早正以天地之邪各

有所害而不得不治之也故邪風之至于人身也猶之

風雨之速邪風即上古天真論之虛邪賊風論云風者善行而數變由皮毛而入

肌膚入筋脉入六府入五藏其行甚速也善治者方其

入皮毛時即從皮毛而治之其次者則從肌膚而治之

又其次者則從筋脉而治之此正皮部論經絡之時下曰六府五藏乃

內府內藏也又其次者則從六府而治之又其次者則從五

藏而治之但治五藏者邪已入深猝難為力誠半生而

半死也皮部論岐伯曰皮者脉之部也邪入于皮則腠理開開則邪入于絡脉絡脉滿則注經脉經脉



滿則入舍于藏府也。經刺論曰：夫邪之客于形也，必先舍于皮毛，留而不去，入舍于孫脈，留而不去，入舍于絡，留而不去，入舍于經，內連五藏，散于腸胃，陰陽相感，五藏乃傷。此邪之從皮毛而入，極于五藏之次也。

上文言天氣通于肺，肺為五藏之華蓋，言肺則五藏皆通矣。故天之邪氣感，則害人五藏；凡風寒暑濕燥火皆是也。即上靈樞憂悲無言論之所謂喉嚨上文言地氣通于嗇，由嗇而入。

乃六府也。故水穀之寒熱感，則害人六府。蓋水穀雖所

以養生，而凡寒熱之非時失宜，皆足以傷人也。即上憂悲無言

論之所太陰陽明論岐伯曰：濕者，下先受之。靈樞邪氣

藏府病形篇岐伯曰：身半以下者，濕中之也。又小鍼解

云：清氣在下者，言清濕地氣之中人也。必從足始。故地

之濕氣感則害人皮肉筋脉。夫邪之傷人也。不同其

爲。至速者無其人。可以治之不早也哉。

故善用鍼者。從陰引陽。從陽引陰。以右治左。以左治右。以我知彼。以表知裏。以觀過與不及之理。見微則過。用之不早。

殆。

此言善鍼者之有法也。上文言由皮毛而漸入藏府。則在外爲表。在內爲裏。在表爲陽。在裏爲陰。善用鍼者。知陽病必行于陰也。故從陰以引之。而出于陽。知陰病必行于陽也。故從陽以引之。而入于陰。難經六十七難曰。五藏募皆在陰。而俞在陽者。何謂也。然陰病行陽。陽病行陰。故令募在陰。俞在陽。此乃指有腹爲陰。陽特一端耳。然鍼法之從陰

引陽從陽引陰不止于此靈樞終始禁服四時氣篇人迎脉盛為陽經病則為陽補陰氣口脉盛為陰經病則為陰補陽補無施而陰陽和亦從陰引陽從陽引陰之法也凡人身經絡左與右同

我與彼同表與裏同故以右治左以左治右以我知彼

以表治裏按經刺論以邪之入于經者為巨刺流溢于大絡而生奇病者為經刺經刺者以左取右

以右取左其所謂大絡者十五絡也巨刺者正刺也經刺者與經脉俱度也凡病之邪氣盛

則實者失之太過正氣奪則虛者失之不及當觀過與

不及之理所見精微而知其病在何經則施以用鍼之

法庶不至于危殆矣內經以人之有病為有過脉要

論者察色按脉先別陰陽審清濁而知部分視喘息聽

言聲而知所苦觀權衡規矩而知病所主按尺寸觀浮沉

滑濇而知病所生以治無過以診則不失矣

別彼劣切

此言善診者之有法也診視驗也

診之為義有自診脉

之謂有自診脉言者如經脉別論之言者如脉要精微論診之為義所該者廣凡望聞問切等法皆可以言診也

必察其色以色者神之所形也按其脉以脉者血之府

也此語見脉先別其病之或在陰經或在陽經復審其

面之氣色清濁而知其病之在部分者何經按靈樞五

日庚者言面也關上者咽喉也關中者肺也下極者心

也直下者肝也肝左者膽也下者脾也方上者胃也中

央者大腸也揆大腸者腎也當腎者臍也面王以上者

小腸也面王以下者膀胱子處也額者眉也額後者背也

也臂下者手也目內眥上者膺乳也挾繩而上者背也

循牙車以下者股也中央者膝也膝以下者脛也當脛

以下者足也巨分者股裏也巨屈者膝裏也此五藏六

府肢節之部也沉濁為內浮澤為外黃赤為風青黑為



故曰病之始起也可刺而已其盛可待衰而已故因其輕而揚之因其重而減之因其衰而彰之

此言善治者之有序也方夫病之始起也其邪未盛可

卽刺之而病自已已止也其邪盛者可待其勢之既衰

以刺之而病亦已王註云病盛取之毀傷真氣故其盛者必可待衰又難論云方其盛時必

毀因其衰也夫病之始起而刺之卽已所謂因其病勢

之輕而發揚之耳卽下文其在皮者汗而發之及其盛而必待其衰

所謂因其病勢之重而漸減之耳重卽上文之盛也至於末後

則病勢既衰當因其邪氣之衰而使正氣之彰斯則初

中末三治之法所謂初則發攻中則調和末則收補者

是也治病者。可不知哉。

本節雖言用鍼而用藥之理亦不外是也

形不足者。溫之以氣。精不足者。補之以味。

此言用藥者之不偏也。上文曰。味歸形。形食味。則形不足者。當溫之以味也。而茲曰。溫之以氣。上文曰。氣歸精。精食氣。則精不足者。當補之以氣也。而茲曰。補之以味。正以上文又曰。味傷于形。則傷于味者。亦能傷形也。而味不可以無氣。故戒之曰。形不足者。當溫之以氣。毋專用味焉。可也。所謂獨陰不生者是也。如用陰味之藥。必無以陽氣之藥。上文又曰。氣傷精。則偏于氣者。亦能傷精也。而氣不可以無味。故戒之曰。精不足者。當補之以味。毋專用氣焉。

可也。所謂孤陽不成者是也。

如川陽氣之藥必熱以陰

者非益溫之以氣以衛氣為解則補之以味豈人身亦有味乎。然氣為陽故曰溫味為陰故曰補神聖之立言有法也。

如是

其高者因而越之。其下者引而竭之。中滿者瀉之于內。其有邪者。泄形以為汗。其在皮者。汗而發之。其慄悍者。按而收之。其實者。散而瀉之。審其陰陽。以別柔剛。陽病治陰。陰病治陽。定其血氣。各守其鄉。血實宜決之。氣虛宜掣引之。

漬疾賜天標必遲及悍音汗掣當作制導引之義

此舉治病之法。而悉言之也。病之在高者。因而越之。謂吐之。使上越也。病之在下者。引而竭之。謂疏之。使下竭



也。乃濕在下宜中滿者。寫之於內。謂畜積有餘。腹中脹

滿。當從而寫之也。重者難論。論五藏六府皆有脹而不言

取言寫而病人忍寫。致中滿之疾。綿綿日久。經絡閉

塞而死。意與其寫遲而元就。若寫早而愈。故靈樞經疾寫

之。言深哉。其有邪者。當從而汗之。而其汗頗多。其形似漬也。

蓋以邪之在皮者。當汗而發之耳。即上文所謂善治者

治皮毛是也。其慄悍者。謂邪氣慄悍。疾利既按摩以散

之。而復有以收之。使正氣不散也。其有實者。謂有形如

積塊之類。當散而寫之。蓋上文之中滿。未必有形也。義以

難之上。又篇中補審其病之在陰在陽。以別其邪之為

柔為剛。難經十難。以五藏之邪相干為剛。以六府之邪

拒于為柔。蓋陽經為府。邪始感故為柔。陰經為藏。邪入

深故為剛。

大義見靈樞經。然陽病必行于陰。故陽病治

陰。則從陰以引于陽。而陽病可去。陰病必行于陽。故陰

病治陽。則從陽以引於陰。而陰病可去。

此二句與上文

引陰二句

相表裏。凡六經血氣或血多氣少。或氣少血多。或氣

血皆少。或氣血皆多。各守其鄉。

氣血多少之義。見血氣

及九

其血實者。宜䟽決之。謂破去其血。如決水之義。

見靈樞經。禁服

其氣虛者。宜導引之。謂導引其氣。使至於

條暢。如此。則治病之法盡矣。

陰陽離合論篇第六

陰陽者。陰經陽經也。其義論離合之數。故名篇。此與靈樞經結

篇相為表裏

黃帝問曰。余聞天為陽。地為陰。日為陽。月為陰。大小月三百六十日。成一歲。人亦應之。今三陽三陰。不應陰陽。其故何也。岐伯對曰。陰陽者。數之可十。推之可百。數之可千。推之可萬。萬之大。不可勝數。然其要一也。三數字俱上聲。陰陽者。數之可十。數語又見五運行大論。需。樞陰陽繫日月篇。

此言天地陰陽之數無窮。而人身必應之也。帝問天為陽。地為陰。而一歲之中。十日象陽。一月象陰。月有大小。積至三百六十日。以成一歲。而人亦應之。今人手有三陰三陽。足有三陰三陽。亦當與天地之陰陽相應而為。

有不應者何也伯言天地之陰陽數爲至順其始也數  
之可十推之則可百其既也數之可千推之則可萬至  
千萬之大有不可勝數然數之不可勝數者離也析而  
言之也其數之萬而千百而十者合也統而言之也其  
爲要則一也豈有人之三陰三陽而不應天地之陰陽

也哉

手足三陰三陽應日月陰陽之  
我終載靈樞陰陽繫日月等篇

天覆地載萬物方生未出地者命曰陰成名曰陰中之陰  
則出地者名曰陰中之陽陽予之正陰爲之主故生因春  
長因夏收因秋藏因冬失常則天地四塞陰陽之變其在

人者亦數之可數

塞入聲數  
俱上聲

此承上文而言萬物之生必本于陰陽遂推人身之陰陽亦數之有可數也。天覆乎上而其氣下降地載于下而其氣上升則萬物在其中者于是乎生長收藏也。方其未出地者地之下為陰處于陰之中命曰陰處又名曰陰中之陰及其出于地而生者地之上為陽似當命曰陽處然亦不離于陰也。命曰陰中之陽陽施正氣而萬物以生陰為主持而群形乃立故生長收藏因于四時而未始失其常也。邵子皇極經世云陽不能獨立必能自見必得陽而後得陰而後立故陽以陰為基陰不能自見必得陰而後見故陰以陽為基使四時之氣失其常則天地之氣為之四塞此乃陰陽之變不可勝數而其在于人則數

之可數豈有三陰三陽而不應天地之陰陽者乎

帝曰願聞三陰三陽之離合也岐伯曰聖人南面而立前曰廣明後曰太衝太衝之地名曰少陰少陰之上名曰太陽太陽根起于至陰結於命門名曰陰中之陽中身而上名曰廣明廣明之下名曰太陰太陰之前名曰陽明陽明根起于厲兌名曰陰中之陽厥陰之表名曰少陽少陽根起于竅陰名曰陰中之少陽是故三陽之離合也太陽爲開陽明爲闔少陽爲樞三經者不得相失也搏而勿浮命曰一陽

此言足三陽經有離合之數也帝問人身有三陰經有

三陽經分之而為各經合之而為表裏其離合何如伯  
以足之三陽言之其曰聖人南面而立者蓋對君而言  
也然雖曰聖人而衆人形體亦猶是耳在前者名曰廣  
明廣明者心也心位南方火位主之陽氣盛明故曰廣  
明前者上也廣者大也上南方也人之形體以心胃衝  
為前為南以腰背為後為北衝  
脉在後名曰太衝者腎脉與衝脉合而盛大故曰太衝  
按胃空論云衝脉者起于氣街則此所謂太衝者正此  
街脉也按上古天此論亦謂曰太衝蓋尊之之辭非足  
厥陰經之大衝穴也一本誤指為太衝之地名曰少  
太衝穴者蓋不考上古天此論耳太衝之地名曰少  
陰少陰者腎也少陰之上名曰太陽太陽者膀胱也太  
陽經脉之行其根起於足小指外側之至陰結於命門

靈樞根結篇岐伯曰太陽根於至陰結於命門命門者目也即所謂睛明穴也名曰陰中之陽

蓋言為足少陰經之陽經也夫然則足之太陽與足少

陰為表裏也可知矣上文曰前曰廣明是中身而上名

曰廣明然廣明之下名曰太陰太陰者脾也太陰之前

名曰陽明陽明者胃也胃脈行腹中經脾之旁計在三

四行則太陰之脈名曰陽明者胃也然其胃之形體居中脾居右旁其前後亦循是也陽

明經脉之行其根起于足次指端之厲兌名曰陰中之

陽蓋言為足太陰經之陽經也靈樞根結篇岐伯曰陽

明起於厲兌結於頰大頰大者鉗耳也愚意夫然則足之陽明與足太陰相為

表裏也可知矣厥陰者肝也厥陰之表名曰少陽少陽



者。膽也。少陽經脉之行。其根起于足四指端之竅。陰名

曰陰中之少陽。蓋言為足厥陰經之陽經也。電。根結

少陽根於竅陰結於心。龍憲結。是故三陽經之離合也。

其離有太陽陽明少陽之分。然太陽者三陽也。為陽之

表。其義曰開。陽明者二陽也。為陽之中。其義曰闔。少陽

者一陽也。為陽之裏。其義曰樞。非樞則無所立。非闔則

無所入。非開則無所出。誠離之不能以無合也。此三陽

經之所以不得相失也。其脉搏擊于手。脉宜上浮。然勿

至太浮。彼此相似。方為一體。雖有三陽之分。而不得有

三陽之異。其實名之曰一陽也。一陽者。脉之皆為陽也。

所謂三陽之離合者如此。

帝曰。願聞三陰。岐伯曰。外者爲陽。內者爲陰。然則中爲陰。其衝在下。名曰太陰。太陰根起于隱白。名曰陰中之陰。太陰之後。名曰少陰。少陰根起與湧泉。名曰陰中之少陰。少陰之前。名曰厥陰。厥陰根起于大敦。陰之絕陽。名曰陰之絕陰。是故三陰之離合也。太陰爲開。厥陰爲闔。少陰爲樞。三經者。不得相失也。搏而勿沉。名曰一陰。

此言足三陰經有離合之數也。言在外者爲陽經。則在內者爲陰經。然則人身之中半。當爲陰經。其衝脉則在下。而居衝脉之上者。脾也。脾者名曰太陰。

王註云。衝脉在脾之下。故

言其衝在下也。靈樞動輸篇云：衝脉者，起于腎下，出于氣街，循陰股內廉，入臍中，循咽喉，內廉並少陰之經，下入內踝之後，入足下。觀此則脾在大陰之上也。起于足大指內側之隱白，名曰陰中之陰。蓋言為陰經中之太陰也。靈樞經結篇岐伯曰：太陰之脈起于臍白，絡於太倉。夫然，則太陰為足陽明之陰經也。可知矣。脾之下為腎，故太陰之後名曰少陰。少陰者，腎也。王註云：此言藏位及經脉之次也。太陰之脈起于足大指之端，循指內側及上內踝前廉，上臍內，循胛骨後，下少陰之脈起于小指之下，斜趨足心，出于然骨之下，循內踝以上，臍內，由此則太陰之下名少陰也。少陰經脉之行，其根起於足之湧泉，名曰陰中之少陰。蓋言為陰經中之少陰也。靈樞經結篇云：少陰起于湧泉，結于廉泉。夫然，則少陰

為足太陽之陰經也可知矣。腎之前近上則為肝。故少

陰之前名曰厥陰。厥陰者肝也。王註云此亦言藏位及

腎藏之前近上則肝之位也。蓋肝經脈篇黃帝曰足少

陰之脉循內踝之後上腘內廉是為厥陰之脉循足指上

後上腘內由北則少陰之前名厥陰也。厥陰經脉之行

其根起于足大指端之大敦穴乃陰經中之絕陽絕陽

者純陰也。名曰陰之絕陰。絕陰者盡陰也。所謂厥者盡

也。靈樞經結篇云足厥陰起于大敦夫然則厥陰為少

陽之陰經也可知矣。是故三陰經之離合也其離者有

太陰少陰厥陰之分。然太陰者三陰也。為陰之外其義

為開。厥陰者一陰也。為陰之盡其義為闔。少陰者二陰

也。爲陰之中。其義爲樞。非樞則無所主。非闔則無所入。非開則無所出。誠離之不能以無合也。此三陰經之所以不得相失也。其脉搏擊于手。脉宜主沉。然勿至太沉。彼此相似。方爲一體。雖有三陰之分。而不得有三陰之異。其實名之曰一陰也。一陰者。脉之皆爲陰也。所謂三陰之離合者如此。

陰陽鍾鍾。積傳爲一周。氣裏形表而爲相成也。鍾鍾當作衝衝

此承上文而言。陰陽雖有離合。然必衝衝往來。始自手太陰肺。行手陽明大腸。足陽明胃。足太陰脾。手太陽小腸。手少陰心。足太陽膀胱。足少陰腎。手厥陰心包絡。手

少陽三焦足少陽膽足厥陰肝積傳至于水下二刻爲一周身水下百刻爲五十周於身其脉氣則行於裏其形體則表于外而陰陽離合之際實有相成之妙尚何人之陰陽有不合于天地之陰陽哉。

陰陽別論篇第七

據篇中有別於陽者知病處也等語則別當作彼步切言陰經陽經

及陰肺陽肺皆當知所分別故名篇

黃帝問曰人有四經十二從何謂岐伯對曰四經應四時十二從應十二月十二月應十二脉

此卽前篇人有陰陽合于天地之陰陽之意也四經者肝心肺腎爲四經而不言脾者寄旺于四經之中也十

二從者。手有三陰三陽。足有三陰三陽。而十二經脉之

行相順而不悖也。伯言四經應春夏秋冬之四時。十二

從應十二月。蓋以十二月正應十二脉也。十二月春建寅卯辰夏建巳午未秋建申酉戌冬建亥子丑應十二脉者春應肝膽夏應心與小腸秋應肺與大腸冬應腎與膀胱而辰戌丑未之月則合四

經而兼之脾與胃也

脉有陰陽。知陽者知陰。知陰者知陽。凡陽有五。五五二十

五。陽所謂陰者。真藏也。見則為敗。敗必死也。所謂陽者。胃

腕之陽也。別於陽者。知病處也。別於陰者。知死生之期。三

陽在頭。三陰在手。所謂一也。別於陽者。知病忌時。別於陰

者。知死生之期。謹熟陰陽。無與衆謀。

此言各經分陰陽。乃診脉者當別其陰陽也。言脉分陰陽諸經。知陽經者。當知陰經。知陰經者。當知陽經。正以陰陽離合。相為表裏也。如靈樞經脉篇診肺脉之盛者。則寸口大三倍于人迎。診大腸之盛者。則人迎大三倍于寸口。診脾脉之虛者。則寸口反小于人迎。診大腸之虛者。則人迎反小于寸口。之類。足陽經有五。正以一府之中。包藏五府之脉。故五有五二十五陽。由此推之。則一藏之中。包藏五藏之脉。亦五五有二十五陰。所謂陰經者。五藏之真脉也。真藏來現其藏已敗敗者。必至於死也。真藏脉見者。死。大所謂陽經者。乃胃脘之陽也。蓋胃為五藏六府之大主。雖有五五二十五陽之異。而實不外乎胃脉之見耳。必吉者為



有胃氣而凶則無胃氣也。人惟分別陽經有病者則知

其生病之處。

分內部分

別陰經有病者則知其生死

之期。卽陰陽應象論所謂其次治六府者未必至死而

其次治五藏者誠半生半死也。故生死之期可決耳。然

知之似有不同。陰陽本無二致。卽如手之三陽自手走

頭。手之三陰自臂走手。表裏無間。一而已矣。故能分別

陽經者不但知病之處。抑亦知病所忌之時。分別陰經

者真可以知生死之期。謹無此分別陰陽之法。無與衆

人謀之而爲其所惑也。此節陰陽言陰經陽經也。

所謂陰陽者。去者爲陰。至者爲陽。靜者爲陰。動者爲陽。遲

者為陰數者為陽數

此言脉體分陰陽亦診脉者所當知也凡脉有去來故  
即去至而陰陽分脉有動靜故即動靜而陰陽分脉有  
遲數故即遲數而陰陽分其法有如此者以此而別陰  
經陽經之病則藏府寒熱衆不能惑凡病處忌時死生  
之期昭然矣此節陰陽言陰脉陽脉也

凡持真脉之藏脉者肝至懸絕急十八日死心至懸絕九  
日死肺至懸絕十二日死腎至懸絕七日死脾至懸絕四  
日死

上文言陰者具藏也見則為敗敗必死矣又言別於陰

者知死生之期。此遂以五藏真脉見者而決其死期也。  
平人氣象論曰。肝見庚辛死。心見壬癸死。肺見丙丁死。  
腎見戊己死。脾見甲乙死。蓋以五行之相尅爲期。至所  
不勝而死也。今凡真藏脉來見者。肝脉至于懸絕。肝屬  
木。自甲乙日而數之。至庚辛日爲一八。又至庚辛日爲  
十八。共十八日當死。假如自甲子日至辛巳日爲十八日。心脉至于懸絕。心  
屬火。自丙丁日而數之。至壬癸日爲八。今日九日者。亦  
八日之盡。交九日也。當死。肺脉至于懸絕。肺屬金。自庚  
辛日而數之。至甲日爲丙丁。又至丙丁日爲十八日。當  
死。今日十二日者。自庚辛而數之。乃庚辛見庚辛也。腎

脉至于懸絕。腎屬水。自壬癸日而數之。至戊巳日為七日。當死。脾脉至于懸絕。脾屬土。自戊巳日而數之。至甲乙為八日。今日四日。除戊巳日至甲日也。當死。王註以成之數釋之。不明。

曰二陽之病發心脾。有不得隱曲。女子不月。其傳為風消。其傳為息。賁者死不治。賁。奔同。按此與下二節言二陽一為解。今據三陽證候。全是足太陽膀胱經。與手太陽小腸經無涉。其一陽亦是足少陽膽經。與手少陽三焦經無涉。然則二陽亦是足陽明胃經。與手陽明大腸經無涉也。

上文言別於陽者。知病處也。別於陽者。知病忌時。故此下三節。乃言陽經之病。而此一節。則舉二陽之病言之。

也。夫二陽者，足陽明胃經也。為倉廩之官，主納水穀而  
乃不能納受者，何也？此病由心脾所發耳。正以女子有  
不得隱曲之事，鬱之于心，故心不能生血，血不能養脾。  
始焉胃有所受，脾不能運化而繼則胃漸不能納受矣。  
故知胃病發于心脾也。由是則水穀衰少，無以化精微  
之氣而血脉遂枯，月事不能時下矣。靈樞營衛生會篇云：中焦泌糟粕，蒸津液，化其精微，上注于肺，脾化而為血，以奉生身，今血氣不化，月事何由而下？又由是則血枯  
氣鬱而熱生，熱極則風生而肌肉自尔消燬矣。故謂之  
風消也。又由是則火乘肺金而喘息上責，痰嗽靡寧矣。  
此非神積之患，乃喘息而責。若夫則心主血，肺主氣，脾為五藏之源。

胃為六府之海者無不受病而欲生也得乎故決之曰

死不治也

王注謂脾胃為病心脾受之何以謂心脾受

不化為男了少精豈女子無關于脾而男子無關于心乎况此節專為女子而發未及論男子少精之義學者

當詳推之

曰三陽為病發寒熱下為癰腫及為痿厥肺癰其傳為索

澤其傳為頰疳肺時克反痛音頰按海篇直音頰即音頰廣韻徒回切今以廣韻為的但內經俱

王疳言其頰頰同用

此舉三陽之病以言之也三陽者足太陽膀胱經也膀

胱之脉從顛入絡腦還出別下項指脊腓內挾脊抵腰中入循臂絡腎屬膀

胝其支者從腓內下貫腓被脊內過故在上邪為病

辨其從腓外下合腓中以下貫腓內

則發寒熱在下有邪為病則為癰腫及為痿為厥為喘

疝也痿無力也厥足冷而氣逆也素問明有肺脾腸也

疝酸也及其傳也執其則精血枯涸故皮膚潤澤之氣

皆散盡矣又其傳也陽氣下墜陰脉上爭上爭則寒多

下墜則筋緩故羣垂縱緩內作顏疝按原病式曰癰疝

痛也又丹谿言癰疝其狀陰囊腫如升如斗不痒不

痛所之地氣卑濕所生宜以去濕之藥下之又據至真

要大論陽明司天亦有丈夫顏疝據脉解篇婦人小腹

腫者亦名顏疝則顏疝亦在小腹中丹谿似非的說也

曰一陽發病少氣善欬善泄其傳為心掣其傳為膈

此舉一陽之病言之也一陽者足少陽膽經也一陽為

陽之初生今已發病則氣少少陽本有相火火盛則乘

肺故善欬。膽木來侮土。故善泄。木盛則火衰。心氣不足。故其傳也。其心必掣。不能自寧。又其傳也。則木盛土衰。如靈樞上膈篇。所謂食飲入而還出者是也。其病主為

膈

數氣滯邪氣積於膈。病有膈。微甚為隔。中熱論。論諸水病有六。胃中膈。風隔。寒不通。此皆

隔之為證。以靈樞上膈篇為主。王註謂隔寒不便者非也。

二陽一陰發病。主驚駭。背脊痛。善噫。善欠。名曰風厥。按評熱

論靈樞五變論俱有風厥

此舉二陽一陰之病以言之也。二陽者。胃也。一陰者。肝

也。金匱真言論謂肝經為病發驚駭。靈樞經脉篇謂胃

病聞木聲則惕然而驚。二經之脉。胃自頭以行于足。肝



自足走腹皆無與于背者而此曰背痛意者陰病必行于陽也噫氣轉也又曰飽出息也脉解篇所謂上走心爲噫者陰盛而上走於陽明陽明絡屬心故上走心爲噫也靈樞經曰問篇黃帝曰人之噫者何氣使然岐伯曰噫者寒氣客於胃厥逆從下上散復出于胃故曰噫觀此則胃心之氣相引也靈樞經脉篇言胃脉爲病有數欠又按宣明五氣論靈樞九鍼論皆曰腎爲欠今日善欠者胃之病也若此者必併四病而兼有之病名曰風厥蓋外感于風肝實主之胃氣不能升降而厥乃生耳

二陰一陽發病善脹心消善氣

此舉二陰一陽之病以言之也。二陰者，腎經也。一陽者，膽經也。膽邪有餘，來侮脾土，故善脹。腎邪有餘，來克心火，故心滿。膽氣有餘，故善氣宣明。五氣論云：膽爲怒者是也。

三陽三陰發病，爲偏枯痿易，四肢不舉。

此舉三陽三陰之病以言之也。三陽者，膀胱經也。三陰者，脾經也。膀胱之脉，自頭背下行于足；而脾脉主于四肢，故二經不足，發爲偏枯，及爲痿易，與四支不舉，痿易者，左右變易爲痿也。

鼓一陽曰鈞，鼓一陰曰毛。鼓陽勝急曰弦，鼓陽至而絕曰

石陰陽相過曰滑

滑作流雲恒本輪補  
滑下魚際其義上流

此舉五藏之脉體言之也。一陽者微陽也。指下鼓動一陽而脉即來盛去衰者曰鈞。乃微鈞也。心之脉也。一陰者微陰也。指下鼓動一陰而脉來輕虛以浮者曰毛。乃微毛也。肺之脉也。鼓動陽脉而其勢勝急。不至於太急者曰弦。乃微弦也。肝之脉也。鼓動陽脉而陽脉似絕曰石。乃微石也。腎之脉也。陰陽二脉相過無能勝負。正平和之脉其名曰滑。如水之緩流也。脾之脉也。此曰陰陽以脉體言。就其浮沉大小之間。以意而得之者也。即前為陰六句。亦以陰陽名脉。體上註似以一陽一陰為三焦與肝則鼓陽之陽與陰陽相過之陰陽皆屬之何經

子

陰爭於內。陽擾於外。魄汗未藏。四逆而起。起則薰肺。使人喘鳴。陰之所生。和本曰和。是故剛與剛。陽氣被散。陰氣乃消亡。淖則剛柔不和。經氣乃絕。

此言營衛二氣貴於和不貴於偏勝。而和則陰陽之氣生。偏則陰陽之氣滅。所以經氣從是而絕也。陰氣者。營氣也。陰在內。爲陽之守。陽氣者。衛氣也。陽在外。爲陰之使。苟陰氣偏勝而爭於內。或陽氣偏勝而擾於外。則偏勝者爲剛。而不能柔。肺經內主藏魄。外主皮毛。魄汗外泄。未能閉藏。燥極熱生。熱極寒生。四肢厥逆而起。起則

薰肺肺因氣迫喘鳴交作。蓋肺為五藏之華蓋而肺經  
若此餘經之病至矣。殊不知陰之所生和則曰和不和  
所以為爭為擾而為剛也。是故剛與剛則陽氣不能勝  
陰而從是破散。生氣通天論云衛氣散解或陰氣不能勝  
消下。神則神藏躁則消云所謂剛與剛者氣血俱淖之  
謂也。淖則剛柔不和諸經之氣以漸而絕矣。此節陰陽  
言營衛二氣也。

死陰之屬不過三日而死。生陽之屬不過四日而死所謂  
生陽死陰者肝之心謂之生陽心之肺謂之死陰。肺之屬  
謂之重陰腎之脾謂之辟陰死不治。四日而死之死至元  
起作四日而已有通

詳上下文義作  
死者非降音謂

此言臟病相傳者。有生死之分也。本經屬陰。而以尅我

者來尅之。謂之死陰。如平文火中凡死陰之屬其病不

過三日而死。本經屬陽。而以生我者來生之。謂之生陽。

如木來乘死陰者。如肝之心。謂之生陽。木來生火也。心之肺。謂之

死陰。火來尅金也。不但是也。腎屬足少陰。肺屬手太陰。

以肺乘腎。乃母來乘子。陰以乘陰。謂之重陰。病日深矣。

脾屬足太陰。腎屬足少陰。乃乘所不勝。陰以侮陰。謂之

關陰。病日危矣。皆死陰之屬之義也。故謂之曰死不治。

也

結陽者腫四肢結陰者便血一升再結二升三結三升陰陽結斜多陰少陽曰石水少腹腫二陽結謂之消三陽結謂之隔三陰結謂之水一陰一陽結謂之喉痺斜邪同聲有少陰之入絡消食長肉廢邪入腦中則古蓋斜邪通用

此歷舉各經之結者其病有為腫為便血為石水為消為隔為水為喉痺諸證也結者氣血不疏暢也非結脈是結脈則下一結二結三結何以診之玉註以二感為再結三感為三結則感脈非可以言結凡手足陽經為府主表陽經結者四肢必腫蓋四支為諸陽之本也凡手足陰經為藏主裏陰經結者必主便血蓋營

氣屬陰。營氣化血。以奉生身。惟陰經既結。則血必瘀積。而初結則一升。再結則二升。三結則三升。結以漸而加。則血以漸而多矣。陰經陽經。為邪所結。陰氣多而陽氣少。即陰盛陽虛也。則陽不能入之陰。而內之所聚者。為石水。其少腹則必腫也。大奇論有腎虛并沉為石水。靈大為石水。起腫以下。至小腹腫然。上至胃脘。死不治。蠶拒水脹。篇黃帝有不水之謂。而按伯無蒼想是有說。簡也。以愚論之。石者有形。水二陽者。足陽明胃也。陰陽者。有水與聲。蓋積聚之類也。黃帝曰。二陽胃中熱。盛津液枯。涸水殺。即消。謂之曰消。者。陽明也。按此篇止謂曰消。至脉要精微論有痺成痼。消中奇病。論有轉為消渴。靈樞邪氣藏府病形篇。本經通評虛實。論皆曰消瘵。氣厥論有肺消。鬲消。種種不同。須知參以後世三消之說。則知五藏皆有消瘵之證。其間各有所以。



指。上消者一名高消。一名膈消。病機云。上消者肺也。

多飲水而少食。大便如常。小便清利。知其燥在上焦也。

市宜流水。以潤其燥。又云。高消者。舌上赤裂。大渴引飲。

劉河間曰。飲水多而小便多者。名曰消渴。蓋指上消而

言。陳無擇云。消渴。病在心。故煩心。致心火散漫。渴而飲。

此肺軟散。皆氣實血虛也。亦指上消而言。今按素問氣

脈論有云。心移熱于肺。傳為膈消。逆極邪氣。藏府病形

篇。有心肺微小。為消瘵。又有肺消。微小。為消瘵。此正上

消之義。還兼心肺為消。瘵。又非獨肺也。東垣曰。膈消者。以白

虎加人參湯治之。心中消者。又名消中。又名內消。病後

云。消中者。胃也。渴而飲。食多。小便赤黃。熱能消。故知其

熱在中焦也。宜下之。神保赤白。消中而作。小便多。於所進飲

食而及不渴。虛極。名曰消中。東垣曰。消中者。苦食而瘦。自

大便。小便便數。名曰消中。東垣曰。消中者。苦食而瘦。自

成。為消中。也。調胃承氣三。消中。今按素問。肺受病

後。論帝曰。諸得胃。何如。伯曰。消中。為消中。又按

論。成而變。何如。伯曰。消中。為消中。又按

素問

天卷

生

垣曰。下消者。煩燥引飲。不輸焦乾。小便如膏。和云。焦煩。水易虧。此腎消也。六味地黃丸治之。仙方云。強中者。虛陽強大。不交而精氣自泄。又云。腎實則消而不渴。小便自利。名曰消腎。內消也。其治宜抑心火。攝腎水。按靈樞經。邪氣藏府病形篇。有腎肝微小。為消痺。反肝肝微小。為消痺。則知腎肝俱有消痺。此正下消之謂。又按神珍方云。人身之有腎。猶木之有根。故腎受病。必先形容憔悴。加以身之有腎。猶木之有根。故患消渴者。皆是腎經為病。由壯盛之時。不自保養。快情恣慾。飲酒無度。食膳炙丹石等藥。遂使腎水枯竭。心火熾盛。三焦猛烈。五藏焦燥。是謂消渴。此言三消皆本于腎也。然錢又謂。未傳能食者。必發癰疽。消渴不能食者。必傳中滿。鼓脹。皆為不治之證。葉古老人分而治之。能食而渴者。白虎加人參湯治之。不能食而渴者。錢氏方白朮散倍治之。三陽者。手太陽小腸經。足太陽膀胱經也。類陽黃帝曰。三陽為經。又曰。所謂三陽者。太陽為經。又曰。三陽為父。心主血。而小腸與心為表裏者。為受盛之官。膀胱為州都之官。津液所藏。今小

腸熱結則血脉燥膀胱熱結則津液涸故膈塞而不便  
至真要大論論少陰之復有膈腸不便者是也俗亦謂  
三陰者手太陰肺經足太陰脾經也肺為邪結則不能  
生腎水而腎水虛弱泛溢四支脾為邪結則不能勝水

氣而水氣汎溢周身浮腫故水證從是而作焉按水之  
篇指為肺脾二經今通考內經乃肺脾腎三經所致本  
篇固名曰水外此又有風水有石水種種不同  
又有曰腎風曰膚脹曰鼓脹曰腸鳴曰石瘕之類似水證  
而非水證不可以一槩論也今以內經諸篇參之乃知  
喘的即如本篇止有一水字又平人氣象論岐伯曰頸  
脉動喘疾欬白水月累微腫如肘垂起之狀曰水又曰  
足頭腫曰水又按靈樞水脹論岐伯曰水如起也目窠  
微腫如新卧起之狀其頸脉動時軟陰股間寒是腫臍  
腹乃大其水已成矣以手按其腹隨手而起如裹水之  
狀此其候也又按宣明五氣論靈樞九鍼論皆曰下焦

溢爲水此皆本篇之所謂水也。又有一等曰風水者。不接評熱論帝曰有病腎風者而附麗然壅害於言可。刺否岐伯曰虛不當刺不當刺而刺後五日其氣必至。帝曰其至何如岐伯曰至必少氣時熱時熱從胃背上至。至頭出汗手熱口乾苦渴小便黃目下腫腹中鳴身重。難以行月事不來煩而不能食不能正脛正脛則效病。名曰風水帝曰愿聞其說岐伯曰如之所謂其氣必虛。陰虛者陽必湊之故少氣時熱而汗出也。正脛則效甚上。腹中有熱也。不能正脛者胃中不和也。正脛則效甚上。迫肺也。諸有水氣者微腫先見于月下也。帝曰何以言。岐伯曰水者陰也。目下亦陰也。腹者至陰之所居故水。在腹者必使目下腫也。真氣上逆故口苦舌乾不得此。即別驚悸則效甚也。腹中鳴者病本于胃也。薄脾則須。不能食食不下者胃脘隔也。身重難以行者胃府在足。也。月事不來者胞閉也。胞脈有礙心而絡于腹中今。氣上迫肺心氣不得下通故月事不來也。又按水熱。六論黃帝問曰少陰何以主腎腎何以主水岐伯曰腎。者至陰也。至陰者盛水也。肺者太陰也。少陰者心熱也。故其本在腎其末在肺皆積水也。帝曰腎何以主水而。病或伯曰腎者胃之關也。開門不利則聚水而從其。

也。也。上下溢於皮膚。故為腫。腫則腫者。聚而不生。病也。  
帝曰。諸水皆生于腎。無岐伯曰。腎者。北藏也。地氣上者。  
驚于水。而生水液也。故曰。至陰。勇而勞甚。則腎汗出。腎  
汗出。逢于風。內不得入于藏。府外不得越于皮膚。客於  
玄府。行于皮裏。傳為臃腫。本之于腎。名曰風水。所謂玄  
府者。汗空也。且下文又有諸穴。所宜刺。處難以悉載。  
又按。寬經論。疾診入。偏岐伯曰。視人之目。窠上微癢。如  
新。則起。狀。其頸脈動。肘後其手足上。皆不起。者。風  
水。膚脹也。又曰。入膚滑。其津澤者。風也。又膚滑而澤。脂  
者。風也。此皆風水之謂也。又有一等曰。腎風者。按奇  
病論。帝曰。有病。脈然。如有水狀。功其脉大。身無病者。  
形不瘦。不能食。食少。名為何病。岐伯曰。病生。在腎。名曰  
腎風。腎風。而不能食。食少。名為何病。岐伯曰。病生。在腎。名曰  
之謂也。又有一等曰。膚脹者。按靈樞水脹論。岐伯曰。  
膚脹者。我氣客於皮膚之間。發於然。不堅。腹大。身盡腫。  
皮厚。按之腹。言而不起。腹色不變。此其候也。又有一  
等曰。鼓脹者。即靈樞水脹論。岐伯曰。腹脹。身皆大。大與  
膚脹等也。色蒼黃。腹筋起。此其候也。此則鼓脹之謂也。  
又有一等曰。腸覃者。即靈樞水脹論。岐伯曰。寒氣客  
于腸外。與衛氣相搏。氣不得榮。因有所繫。癖而內著。惡

氣乃起瘰肉乃生其始生也人如雞卵稍以益大至其  
成如懷子之狀久者離歲接之則堅雞卵之則移月事以  
時下此其候也又有一等曰石瘕者即寒水脹論  
妙伯曰石瘕生于胞中寒氣客于子門子門閉塞氣不  
得通惡而常無子焉而可以得止目以益大狀如懷子月  
事不以時下皆生于女子可導而下此則腸覃石瘕內  
有積聚也水脹而非水脹者也又風與水何以別之  
按平人氣象論岐伯曰頸脉動喘疾欬曰水又曰目  
黃微腫如臥蚕起之狀曰水乃又曰面腫曰風又曰足  
腫曰水則風水之辨常於其面腫方知其有風也即  
此又平評熱論水熱穴論奇病論而臨方知其有風也即  
水之義明矣其治水之法即湯液醪醴論開其門  
五藏陽以明也津液名郭其魄獨居攝精于內氣耗于  
外形不可與水相保此四杯急而動中是氣拒于內而  
形勢于外治之未宜緩伯曰平治于權衡去宛陳生微  
動則風去濕則水去以復其形則風門紫淨府精以  
時別風濕三氣雖濕五藏故精自生形自盛肌肉相保  
巨氣一陰者手厥陰心包絡之脉也一陽者手少陽三  
乃

焦之脉也。二脉並終于喉。氣熱內結。故為喉痺。此亦王

注今姓

陰搏陽別。謂之有子。陰陽虛。陽辟死。陽加于陰。謂之汗。陰

虛陽搏。謂之崩。別後方死

此舉尺寸之脉。而為有子。為腸辟。為有汗。為崩。諸證也。

陰搏者。尺為陰。其脉搏擊于手也。陽別者。寸為陽。言尺

脉搏擊於指。而與寸脉不同也。此則有子之脉。即脉訣

之所謂尺脉不止。真胎婦者是也。陰陽虛者。尺寸俱虛

也。腸辟者。脾氣不化。滯積腸內。氣血日耗。所以至於死

也。按腸辟之說。見內經通評虛實論。脉要精微論。大奇

論。皆以脉沉小緩者。為易治。身熱者。為死。今曰虛者。



為死蓋沉小陽加于陰者亦指尺寸而言也寸主動尺

主靜尺部而見陽脉乃陽加于陰則陰虛火盛其汗自

泄平人氣象論云尺瀯脉滑謂之多汗者是也陰虛陽

搏者亦指尺寸而言也尺脉既虛陰血已損寸脉搏擊

虛火愈熾謂之曰崩蓋火逼而血妄行也此則指女子

而言耳按婦人血崩之證其血從胞絡宮而來血久下

行為熱路則本宮血乏十二經之血皆從茲而

涉焉然胞絡宮則繫於腎而上通於心故此證實關於

心腎兩經宜有陰虛陽搏之脉痿論云悲哀太甚則胞

絡絕則胞絡絕則陽氣內動發則心下崩數溲血也惟李

東垣試効錄用十二經引經之藥使血歸於十二經然

後用黑藥以止之若徒用黑藥而

不先服頰血歸經之藥其病難愈

三陰俱搏二十日夜半死二陰俱搏十三日夕時死一陰

俱搏十日死。三陽俱搏且鼓三日死。三陰三陽俱搏心腹滿發盡不得隱曲五日死。二陽俱搏其病溫死不治。不過十日死。

此舉各經之脉異于常者而決其死期也。三陰者手太

陰肺經足太陰脾經也。

陰陽類論黃帝曰三陰爲母

二脉搏擊于手。

異於常候計其死期當二十日夜半死。二十日者天五

生土而地以十成之其成數計十地四生金而天以九

成之其成數計九。據二經成數之餘當死于二十日而

夜半死者陰病死于陰也。二陰者手少陰心經足少陰

腎經也。

陰陽類論黃帝曰二陰爲難

二脉搏擊于手異于常候計其

死期當十三日夕時死。十三日者，地二生火，而天以七  
成之，其成數計七。天一生水，而地以六成之，其成數計  
六。七六十三，故也。曰夕時者，少陰之時候也。一陰者，手  
厥陰心包絡經是也。厥陰肝經也。陰陽類論黃帝二脉搏  
擊于手，異於常候，計其死期，常十日死。十日者，天三生  
木，而地以八成之，地二生火，而天以七成之，肝取生數  
而心則成數，共十日也。三陽者，手太陽小腸經是也。太陽  
膀胱經也。二脉搏擊于手而鼓，異于常候，計其死期，常  
在三日。三日者，天一生水，地二生火，計三日也。三陰者，  
手太陰肺經是也。太陰脾經是也。三陽者，手太陽小腸經是也。太

陽膀胱經四經之脉俱搏擊於手異於常候心腹脹滿  
至于發盡而不得隱曲大小便爲之不利也計其死期  
當在五日至五日者土中央之候病經多而死期速也此  
陰陽別論之二陽者手陽明大腸經足陽明胃經也二  
不得隱曲殊脉搏擊于手異於常候其病熱溫當死不治不過十日  
死十日者地四生金天五生土止九日而十則九日之  
餘也

靈蘭秘典論第八

未有黃帝乃擇吉日良兆而藏  
靈蘭之室以傳保焉故名篇

黃帝問曰願聞十二藏之相使貴賤何如岐伯曰悉乎哉  
問也請遂言之心者君主之官也神明出焉肺者相傳之

官治節出焉。肝者將軍之官。謀慮出焉。膽者中正之官。決斷出焉。膻中者臣使之官。喜樂出焉。脾胃者倉廩之官。五味出焉。大腸者傳道之官。變化出焉。小腸者受盛之官。化物出焉。腎者作強之官。伎巧出焉。三焦者決瀆之官。水道出焉。膀胱者州都之官。津液藏焉。氣化則能出矣。凡此十二官者。不得相失也。故主明則下安。以此養生則壽。殁世不殆。以為天下。則大昌。主不明則十二官危。使道閉塞而不通。形乃大傷。以此養生則殃。以為天下者。其宗大危。戒之戒之。

相去聲使去聲下同樂入  
声道導同使音技鑿入聲

此言十二藏相使之貴賤而遂歸重於心也。十二藏者

不分藏府而皆謂之藏也。據下文所答內以心爲一藏而  
未及心包絡一藏。蓋以心爲主而統之也。其膻中爲  
一藏以膻中爲氣之海。乃宗氣所積。故亦得以藏稱也。  
帝問諸藏相使之貴賤者。卽諸藏而較其輕重耳。伯言  
心者。君主之官。乃五藏六府之大主也。此語見靈樞邪  
癰津液別篇云五藏六府心爲之主師傳篇同至虛至靈。具衆理而應萬事。神  
明從此出焉。肺與心皆居膈上。經脈會于太淵。死生決  
于太陰。故肺爲相傳之官。佐君行令。凡爲治之節度。從  
是而出焉。刺禁論以父母比心肺。乃曰。膈育之上。中有  
父母。而此則以君相比心肺。其尊同矣。五癰津液別篇云五藏六府肺

為之肝屬木。木主發生。故為將軍之官。而謀慮所出。猶

運籌于帷幄之中也。

五藏津液別篇云肝為之膽為肝將師傳篇云肝者主為膽

之府。謀慮貴于得中。故為中正之官。而決斷所出。猶決

勝於千里之外也。宗氣會于上焦之膻中。主行脉氣

於諸經。而分布陰陽。為君主之臣使。樂趨君令。喜樂出

焉。脾胃屬土。納受運化。乃倉廩之官。而所受之五味。從

是出焉。

靈樞經傳篇云脾者土也。備使之迎糧。

大腸居小腸之下。小腸之

受盛者。賴以傳導。而凡物之變化者。從是出焉。小腸居

胃之下。脾之運化者。賴以受盛。而凡物之所化者。從是

出焉。五藏在人。惟腎為能作強。而男女攝精。人物化生

伎巧從是而出。王註所謂在男則當其作強在女則當其伎巧者是也。血氣形志論謂少陽與心主爲表裏者言三焦心包絡爲表裏也。言于右腎之中謂太陽與少陰爲表裏者言膀胱與腎爲表裏也。居於左腎之中又靈樞本藏篇謂腎合三焦膀胱言右腎合三焦左腎合膀胱故三焦在下部之右爲決瀆之官水道所出膀胱在下部之左爲州都之官津液所藏然是三焦膀胱者必得氣海之氣施化則浚便泄注氣海之氣不及則隱悶不通故曰氣化則能出矣。氣海者上焦之膻中穴乃宗氣所會而自上而下者也。按靈樞本輸篇云肺合大腸大腸者傳道之府心合小腸小腸者受盛之府肝合膽膽者中精之府脾合胃。



胃者五穀之府。腎合膀胱。膀胱者津液之府也。少陽之府。肝上連肺。故府兩葉。三焦者中實之府也。水道出焉。屬膀胱。是經之府也。凡此十二官者。上下相使。彼此相濟。不得相失也。故十二官之中。唯心爲君主。君主不病。則百體自寧。猶人主明。則下民自安也。以人身而言。用此法以養生。心泰而體寧。必有壽而終身不死。以人主而言。用此法以治世。君明而下安。必大昌而天下盛治。否則心主不明。則十二官危。凡各經轉輸之路皆閉塞。而不通其形。乃大傷矣。以此養生。則受殃。以此治世。則宗危。可不知所戒哉。

至道在微。變化無窮。孰知其原。審乎哉。消者瞿瞿。孰知其

要閔閔之當孰者爲良恍惚之數生于堯舜禹之數起  
於度量千之萬之可以益大推之大之其形乃制黃帝曰  
善哉余聞精光之道大聖之業而宜明大道非齋戒擇吉  
日不敢受也黃帝乃擇吉日良兆而藏靈蘭之室以傳保  
焉而勿再註云眼目速讀之說

此言十二宮之道乃至道也微妙而難測變化而無窮  
孰知其原之所在耶彼不知此養生之法者有消而無  
長瞿瞿然驚顧擬而議之窘迫哉此消者瞿瞿也孰知  
其有要耶不知其要所以不知其原也閔閔者說文以  
爲病與傷痛也唯不知其要則閔閔然獨當其病孰知

何法為善耶

按氣交變大論亦云肖者罪羅莫知其妙閔問之當孰者為良

且是十二

官之數恍惚者無形也毫釐從此而生毫釐者至小也

度量從此而起顧推之而千又推之而萬可以益大唯

心為君主之官有以制此形耳帝乃深贊此說而藏之

靈蘭之室故此篇曰靈蘭秘典論者良有故也

按靈樞

邪篇外篇篇皆藏此室

六節藏象論第九

篇內首問六六之節後又問藏象何如故名

黃帝問曰余聞天以六六之節以成一歲人以九九制會

計人亦有三百六十五節以為天地之數矣不知其所謂也

岐伯對曰昭乎哉問也請遂言之夫六六之節九九制會

者所以正天之受氣之數也。天度者所以制日月之行也。氣數者所以紀化生之用也。天爲陽地爲陰。日爲陽月爲陰。行有分紀。周有道理。日行一度。月行十三度。而有奇焉。故大小月三百六十五日而成歲。積氣餘而盈閏矣。立端於始。表正於中。推餘於終。而天度畢矣。帝曰。余已聞天度矣。願聞氣數。何以合之。岐伯曰。天以六六爲節。地以九九制會。天有十日。月六竟。而周甲。甲六復。而終歲。三百六十日法也。夫自古通天者。生之本。本于陰陽。其氣九州九竅。皆通乎天氣。故其生五。其氣三。三而成天。三而成地。三而成人。三而三之。合則爲九。九分爲九野。九野爲九藏。故形

藏四神藏五合為九藏以應之也

前言人以九九制會後言地以九九制會皆在

人為九藏在地為九野則人與地皆可以言九九制會也

此詳言六六九九之會也按六微旨大論帝曰願聞天道六六之節盛衰何也岐伯曰上下有位左右有紀故少陽之右陽明治之陽明之右太陽治之太陽之右厥陰治之厥陰之右少陰治之少陰之右太陰治之太陰之右少陽治之此所謂氣之標蓋南面而待之也故曰因天之序盛衰之時移光定位正立而待之此之謂也蓋言天道六六之節盛衰者天之三陰三陽右旋天公更治歲政每歲各一盛衰至六歲周遍通得盛衰之節

六六也。上下有位。左右有紀者。謂每歲陰陽盛衰之位。上下謂司天在泉二位也。左右謂司天之左間右間。及在泉之左間右間爲四紀也。凡天右旋之陰陽。臨司天之位者。其天之政盛。至三之氣始布。臨在泉之位者。其地之氣盛。至終之氣始布。而上下二位有二節。陰陽盛衰也。臨司天之左間者。其氣至四之氣盛。右間者。其氣至二之氣盛。臨在泉之左間者。其氣至初之氣盛。右間者。其氣至二之氣盛。而左右四紀有四節。陰陽盛衰也。故此六節。陰陽每歲各一盛衰。而數得六。寅申歲少陽旋來。司天治之。爲初六。少陽之右。卯酉歲陽明旋來。司

天治之爲六二陽明之右辰戌歲太陽旋來司天治之爲六三太陽之右巳亥歲厥陰旋來司天治之爲六四厥陰之右子午歲少陰旋來司天治之爲六五少陰之右丑未歲太陰旋來司天治之爲六六太陰之右周而復始于少陽治之故曰六六之節盛衰也本篇帝問所重在六六之節不及盛衰與標本之義其所謂九九制會者卽下文自古通天者生之本至今爲九氣以應之也凡此六六之節九九之會所以正天之度而天之有度正所以制日月之行也運氣論與云天之有度置後二十八宿證而記之曰度革家新書云天經之度有常度而無常儀天非有體也因星之所附麗故之爲天

陽亦所以正氣之數而氣之有數正所以新化生之用也何以見天度制日月之行也天本屬陽地本屬陰日爲陽之精故爲陽月爲陰之精故爲陰其行也各有分紀其周各有道理蓋天自西而東轉其日月五星循天從東而西轉日則晝夜行天之一度月則晝夜行天之十三度有奇者謂復行一度之中作十九分分之得七大率月行疾速終以二十七日月行一周天是將十三度及十九分之七數總之則二十九日計行天三百八十七度有奇計月行疾之數比日行遲之數則二十九日方行天二十九度也先行一周天三百六十



五度外。又行天之二十二度。反少七度。而不及日也。陰陽家說。謂日月之行。自有前後遲速不等。固無常準。則有大小月。盡之異也。本三百六十五日。四分度之一。卽二十五刻。當爲一歲。自除歲外之異。則有三百六十日。不除小月所少之日六日止。有三百五十四日。而成一歲。通少十一日。二十五刻。乃盈閏爲十二月之制。則有立首之氣。氣乃三候之至月。半示斗建之方。乃十二辰之方也。閏月之紀。則無立氣建方。皆由氣。但依曆次節。見之。推其所餘。乃成閏天度耳矣。王註云。日行遲故置閏。六十五日一周天。而猶有度之。年分矣。月行速故置夜。行天之十三度餘。而二十九日一周天也。言有。

謂十三度外後行十九分度之七故云月行十三度  
有奇也禮義及漢律曆志云二十八宿及諸星皆從東  
而循天西行日月及五星皆從西而循天東行太史  
詩云並循天而東行從東而西轉也諸曆家說月一日  
至二日日夜行行度餘自九日至十四度餘自五日至  
次疾日夜行行十三度餘自九日至十四度餘自五日至  
行十二度餘二十四日至二十五日行又小疾日夜行  
三度餘二十四日至二十五日行又小疾日夜行十四度  
今太史說月行之率不如此行又大疾日夜行十四度  
十五日後遲者有十五日前疾者有十五日後疾者大率  
一月四分之而皆有變疾遲速之度固無常準矣雖兩  
終以二行二十九日度月行一周天凡行三百七十七  
九日也至三十日度月行三周天凡行三百七十七度  
及日也此大盡之月也大率其計率至十三分日之六  
者亦大盡法也其計率至十三分日之六而及日  
者小盡之月也故云大小月三百六十五日而成歲也  
正言之者三百六十五日四分日之一乃一歲法以奇  
不成日故舉大以言之若通以大小為法則歲止有三  
百五十四日歲少十一日餘矣取月所少之辰加歲外

餘之日故後閏後三十二日而盈閏焉又按天體至閏  
則而過三百六十五度四分一度之繞地左旋常一日一  
周而過一度日一而少一度故日一行一日亦繞地一周  
而二天為不及一度積三百六十五日九百四十分日  
而九百三十一日常不及天會是一歲日九百四十分日  
九日九百三十四分日之四百九十九日而與日會十二  
日全日九百三十四分日之四百九十九日而與日會十二  
日法九百三十四分日之四百九十九日而與日會十二  
三百五十四分日之四百九十九日而與日會十二  
行之數也歲有十二月月有三十日三百六十者一歲  
之常數也歲有十二月月有三十日三百六十者一歲  
百三十五者為氣盈月與日會而少五日四十分日之  
日之五十九者為朔虛而閏生焉故  
一歲閏率則十二日九百四十分日之八百二十七歲  
一閏則三十二日九百四十分日之八百二十七歲  
閏則三十四日九百四十分日之八百二十七歲  
歲七閏則氣朔分齊是為一章故三年而不復焉則  
歲之一月入于夏而時漸不定矣子之一月入於冬而  
歲漸不成矣積之之久至於三失閏則春皆入夏而時

全不定矣。十二失閏下皆入丑。歲全不成。其各實  
於其間。然後四時不差。而我功皆廣也。立端於始。  
正時也。後端於終。正於中。推餘於終。而  
推餘於終。而正於中。推餘於終。而正於中。推餘於終。而正於中。  
也。正斗建於月半也。推餘於終。而正於中。推餘於終。而正於中。  
日。氣不及月。閏之後。則月不氣。故常月之制。建初  
立。則氣不及月。閏之後。則月不氣。故常月之制。建初  
華。象新書云。曆家逆考往古。冬至歲月日時各紀。甲子  
兩雅交會。五星連珠。必推其聚于子正玄枵之中者。名  
曰上元。乃復端于始也。從上元而下。至當時測驗與籌  
策相應。乃取正于中也。又順推以後。求其餘。外皆盡。總  
會如初。乃歸。何以見氣數紀化生之用也。蓋天以六六  
餘於終也。

為節地。以九九制會。天有十日。謂甲乙丙丁戊己庚辛

壬癸之日也。六十日。而周甲子之數。甲子六周而復始。則終一歲之日。是三百六十日之歲法。非天度之數也。此則十二月各三十日。若除小月。其日又差矣。故有此天度。則自然有此氣數。而日具長短。月移寒暑。生長收藏。無失其宜矣。何以見地之與人。皆九九制會也。夫自古通天者。生之本。以人皆本于天地之陰陽而生也。故在地爲九州。在人爲九竅。皆本之于天氣。其所以生者。五金木水火土也。其所以爲氣者。三天氣。地氣。運氣也。此數語與生氣通天論相同。非獨人由三氣以生。天地之道亦然。故天地人之道。三而三之。則爲九。以地則有九野。故人則

有九藏曰頭角曰耳目曰口齒曰胃中此形藏計有其  
四曰肝曰心曰脾曰肺曰腎此神藏計有其五合爲九  
藏正所以應九野也

帝曰余已聞六六九九之會也夫子言積氣盈閏願聞何  
謂氣請夫子發蒙解惑焉歧伯曰此上帝所秘先師傳之  
也帝曰請遂聞之歧伯曰五日謂之候三候謂之氣六氣  
謂之時四時謂之歲而各從其主治焉五運相襲而皆治  
之終暮之日周而復始時立氣布如環無端候亦同法故  
曰不知年之所加氣之盛衰虛實之所起不可以爲工矣  
此言積氣盈閏之法也五日謂之候

按禮記月令呂氏春秋大明一統曆

云孟春立春節初五日東風解凍次五日蟄蟲始振後  
五日魚上冰雨水氣初五日蟄祭魚次五日鴻雁來  
始華次五日倉庚鳴後五日鷹化爲鳩春分氣初五  
日玄鳥至次五日雷乃發聲芍藥榮後五日田鼠化爲鴽  
春清明節初五日桐始華次五日田鼠化爲鴽  
芒種節初五日鵙始鳴後五日靡麥秀次五日蚯蚓出  
後五日王瓜生小滿氣初五日苦菜秀次五日靡草  
死之於地也  
夏至節初五日鹿角解次五日蟄始鳴國人所始也  
小暑節初五日腐草爲螢大暑節初五日鷹祭  
始居  
立秋節初五日涼風至次五日白露降後五日寒蟬鳴  
處暑氣初五日鷹乃祭  
初五日鷹乃祭鳥次五日天地始肅後五日禾乃登

仲秋白露節初五日涼風至月令作黃氣黃氣始起  
 雁來次五日玄鳥歸後五日群鳥養羞秋分初五日  
 日夜以收條次五日見鶩始墜音諸九月景天華  
 律應節我以以益地可理水  
 至節初五日鴻鴈來賓前言來而此言賓者律至為生  
 後至為賓次五日雀入大水為雉月令作雉後七日  
 有黃華霜降氣初五日對乃祭獸次五日草木零落  
 以五日蟄蟲咸俯以五日雉入大水為蜃初五日  
 日地始凍後五日雉入大水為蜃初五日小雪氣初五  
 月虹藏不見次五日天氣上騰地氣下降後五日閉塞  
 而成冬仲冬大雪節初五日冰合地始坼後五日  
 為月令作題為  
 芸始生務樵也冬至氣初五日蟄蟲始解次五日  
 解後五日水泉動季冬小寒節初五日雉始雊次五  
 日鵠始雊後五日雉始雊大寒氣初五日雞始雊  
 始乳次五日征鳥厲疾後五日水澤腹堅三候謂之  
 氣即立春有東風解凍蟄蟲始振魚陟負冰三候而謂  
 之一氣也六氣謂之時則六氣計有三月而謂之春四



時謂之歲計。及夏秋冬之四時而謂之一歲。各有其時。則五行各從其所主而主治之也。五運相襲而皆治之。終其之日。周而復始。時立氣布。如環無端。其所候者。每卒曰法。故必知年之加臨。氣有盛衰。皆有虛實。而始可以稱上工矣。故曰數語見靈樞壽夭剛柔篇其曰加者即六元正紀大論加臨之加

帝曰五運之始如環無端其太過不及何如岐伯曰五氣更立各有所勝盛虛之變此其常也。帝曰平氣何如岐伯曰無過者也。帝曰太過不及奈何岐伯曰在經有也。

此言五運之有平氣有太過有不及也。按氣交變大論帝以五運之化太過為問而伯以歲木太過歲火太過

崩土太過歲金太過歲水太過各有天時民病應星為  
答又以不及為問而伯以歲木不及歲火不及歲土不  
及歲金不及歲水不及各有天時民病為答又抄五常  
政大論帝以平氣不及太過為問而伯以木曰鬱火  
曰升明土曰脩化金曰審平水曰靜順為平氣木曰委  
和火曰炎明土曰卑監金曰從革水曰潤濟為不及木  
曰發生火曰赫曦土曰敦阜金曰堅成水曰流行為太  
過故謂之曰在經者也

帝曰何謂所勝岐伯曰春勝長夏長夏勝冬冬勝夏夏勝  
秋秋勝春所謂得五行時之勝各以氣命其藏帝曰何以

知其勝。岐伯曰。求其至也。皆歸始春。未至而至此。為太過。則薄所不勝。而乘所勝也。如曰氣淫。不分邪僻内生。工不能禁。至而不至。此謂不及。則所勝妄行。而所生無病。所不勝薄之也。命曰氣迫。所謂求其至者。氣至之時也。謹候其時。氣可與期。失時及候。正治不分。邪僻内生。工不能禁也。  
氣淫已下。有不分邪僻内生。工不能禁。上生。乃未三句之。前重複入此。金匱真言論云。所謂得四時之勝者。春勝土。夏勝金。長夏勝水。冬勝火。夏勝秋。秋勝春。所謂四時之勝也。五運曰大論云。帝曰。主歲同如岐伯曰。氣有餘則制。所勝之。所勝所不勝。其不及。則已所不勝。侮而來之。已所勝。輕而侮之。無而受邪。寡于畏也。

此明勝之為義。不分太過不及。而皆有所勝也。所謂勝者。即五行相尅之。謂如春屬木。夏屬火。長夏屬土。秋屬金。冬屬水。

金冬屬水故春勝長夏木尅土也長夏勝冬土尅水也  
冬勝夏水尅火也夏勝秋火尅金也秋勝春金尅木也  
此乃五行以時相勝而在人則以氣命其藏肝勝脾脾  
勝腎腎勝心心勝肺肺勝肝者是已然欲知其勝之爲  
候則在於立春前十五日乃候之初也斯時氣候未當  
至而先至者是氣有餘故曰太過則薄所不勝而乘所  
勝假令肝木有餘則脾金不足金不尅木故木太過木  
氣有餘則反薄肺金而乘於脾土矣故曰太過則薄所  
不勝而乘所勝也此皆五藏之氣內相淫并爲疾故曰  
氣淫也氣候應至不至而後期始至是氣不足故曰不

及則所勝妄行而所生受病所不勝薄之又如肝水氣少不能制土土氣無畏而遂妄行木被土凌故云所勝妄行而心亦受病也肝木之氣不平肺金之氣薄之故曰所不勝薄之然木氣不平土金交薄相迫爲疾故曰氣迫何也蓋我尅者爲所勝尅我者爲所不勝生我者爲所生耳故必謹候其氣至之時凡候其年則始於立春之日候其氣則始於四氣定期候其日則隨于候日故曰謹候其時氣可與期也若失時反候而五行所治上經一歲之氣者不能分之則邪僻因生醫工不能禁之矣

帝曰有不襲岐伯曰蒼天之氣不得無常也氣之不襲是謂非常非常則變矣帝曰非常而變奈何岐伯曰變至則病所必則微所不勝則甚因而重感於邪則死矣故非其時則微當其時則甚也

此言五運之氣有不襲者所以爲變而民病之微甚生死係之也按六元正紀大論云陰陽之氣各有多少故曰三陰三陽也形有盛衰謂五行之治各有太過不及也故其始也有餘而往不足隨之不足而往有餘從之知迎知隨氣可與期若餘已復餘少已復少則天地之氣變常而苛疾至矣假如木令太過木克脾土然肺

素問 卷之三  
金足以制之。是因所勝而病微也。若肺金不足以制之而脾土爲肝之所不勝其病當甚矣。但所不勝者其病既甚而又重感于邪則必死。非其所勝之時則病必微。當其所勝之時則病必甚也。

帝曰。善。余聞氣合而有形。因變以正名。天地之運陰陽之化其於萬物孰少孰多。可得聞乎。岐伯曰。悉哉。問也。太至廣。不可度。地至大。不可量。大神靈問。請陳其方。草生五色。五色之變。不可勝視。草生五味。五味之美。不可勝極。嗜欲不同。各有所通。天食人以五氣。地食人以五味。五氣入鼻。藏于心。肺上使五色修明。音聲能彰。五味入口。藏于腸胃。

味有所藏以養五氣氣和而生津液相成神乃自生

此帝以萬物稟氣多少爲問伯乃大其問而以天地之

氣味養人者槩之也萬物皆有形必氣合而後成之萬

物皆有名必因變而正其名變者異也正名百物以

明民共川註云正名百物謂正百物之名也是皆

天地之所運陰陽之所化但萬物稟此陰陽之氣在必

有多少可盡得而聞之伯言天地至爲廣大難以盡言

其間陰陽所化者萬物有色而草之五色有出于天成

者有出于人爲者極之而有不可勝視者也萬物有味

而草之五味有出於天成者有出於人爲者極之而有



不可勝美者也。唯人之嗜欲無窮，氣味皆有以通之故。陽爲氣本于天而上天之五氣，乃天之所以食人者也。然五氣入于鼻，以通于五藏而藏于心肺，遂使五色修明，音聲能彰矣。靈樞憂悲無言論云：喉嚨者，氣之所以上下者也。此乃入于鼻，上下于喉嚨而通于五藏者。歟？陰爲味本于地而萬物之五味，乃地之所以食人者也。故五味入于口，以通于六府而藏于腸胃，遂使味有所藏，以養五氣，則氣和而生津液，因成神氣乃自生矣。憂悲無言論云：咽喉者，水穀之道也。此乃入于口，出于咽喉而通于六府者。歟？然氣本不虛，而物陰陽

之。死。而。人。又。不。可。以。死。萬。靈。賦。之。大。耶。呼。帝。不。  
能。非。伯。不。能。答。其。一。時。神。聖。聚。會。于。一。堂。而。講。究。玄。  
理。以。救。萬。古。之。民。命。者。如。此。

帝曰。藏象何如。岐伯曰。心者生之本。神之變也。其華在面。  
其充在血脈。爲陽中之太陽。通於夏氣。肺者氣之本。魄之  
處也。其華在毛。其充在皮。爲陽中之太陰。通於秋氣。腎者。  
主蟄封藏之本。精之處也。其華在髮。其充在骨。爲陰中之  
少陰。通於冬氣。肝者罷極之本。魂之居也。其華在爪。其充  
在筋。以生血氣。其味酸。其色蒼。此爲陽中之少陽。通於春  
氣。脾。胃。大。腸。小。腸。三。焦。膀。胱。者。倉。廩。之。本。營。之。居。也。名。曰。

器能化糟粕轉味而入出者也其華在腎四白其充在肌其味甘其色黃此至陰之類通于土氣凡十一藏取決於

脾胃

此明十一藏象而總其取決於膽也夫藏在內而形之於外者可闕斯之謂藏象也靈樞本神篇帝問德氣生精神魂魄心意志思智慮伯言天之在我者德也地之在我者氣也德流氣薄而生者也故生之來謂之精兩精相搏謂之神隨神往來者謂之魄並精而出入者謂之魄所以任物者謂之心心有所憶謂之意意之所在謂之志因志而有變謂之思因思而遠慕謂之慮因慮

而處物謂之智。此有心藏則曰生之本。神之總。肺藏則曰氣之本。魄之處。肝藏則曰精之處。肝藏則曰魂之居。正當以彼義而釋此義也。試以心藏言之。心者為君主之官。神明出焉。故吾身與萬事萬物之所以生以之為本。神明應用以之變化。面居上。心則華之火炎上也。血脉在中。心則充之。心主血脉也。五藏生成篇云諸血者皆屬於心。痿論云心主身之血脉。心居於膈上。皆屬陽。而心則為陽中之陽。當為陽中之太陽也。自時而言。夏主火。心亦屬火。其通於夏氣。平以肺藏言之。五藏生成篇云諸氣者皆屬於肺。故吾身之氣以之為本。肺藏魄。故魄以之為處。肺主身之

皮毛故其華在毛其充在皮肺與心居于膈上皆屬陽而肺爲陽中之陰當爲陽中之太陰也自時而言秋主金肺亦屬金其通於秋氣乎以腎藏言之腎主冬冬主間藏故腎主封藏之本也腎者主水主受五藏六府之精而藏之故爲精之府也腎主骨髓腦爲髓海故其華在髮其充在骨腎肝居於膈下皆屬陰而腎爲陰中之陰當爲陰中之少陰也蓋肺爲手太陰故卽以太陰名之而腎爲足少陰故卽以少陰名之耳冬主水腎亦屬水其通於冬氣乎以肝藏言之肝主筋故勞倦罷極以肝爲本肝藏魂故爲魂所居靈樞本藏篇云肝應爪

故其華在爪。肝主筋。故其充在筋。陰陽應象大論云。木  
生酸。酸生肝。肝生筋。筋生心。心生血。血生脾。脾生肉。肉  
生肺。肺生皮毛。又諸氣皆屬於肺。則吾身之血氣皆由  
肝而生也。又曰。在味爲酸。在色爲蒼。故其味酸。其色蒼  
也。東方爲陽生之始。而肝則爲五藏之長。故肝屬陽中  
之少陽也。春主木。肝亦屬木。其通於春氣乎。然脾雖屬  
于五藏。而與胃以膜相連。故此脾胃爲倉廩之官。大腸  
爲傳導之官。小腸爲受盛之官。三焦爲決瀆之官。膀胱  
爲州都之官。然六府皆所以受物實而不滿者也。故皆  
可以爲倉廩之本耳。然所謂營氣者。水穀之精氣也。靈

樞密衛生會篇謂營氣出於中焦。故此六藏者誠爲營  
氣之所居。不爲營氣所居之器也。凡所以化糟粕轉味  
而或入或出者皆由此六府耳。陰陽應象大論云脾主  
口故其華在唇四白也。四白者口唇四際之白色也。又  
曰在味爲甘在色爲黃故曰其味甘其色黃也。脾居中  
州爲陰中之至陰故曰至陰之類通土氣也。靈蘭秘典  
論云膽者中正之官決斷出焉故凡十一藏皆取決于  
膽耳。蓋肝之志爲怒心之志爲喜脾之志爲思肺之志  
爲憂腎之志爲恐其餘六藏孰非由膽以決斷之者乎。  
故八逆一盛病在小腸二盛病在太陽三盛病在陽明四

尺已上爲格陽寸口一盛病在厥陰二盛病在少陰三盛病在太陰四盛已上爲關陰人迎與寸口俱盛四倍已上爲關格關格之脉羸不能極于天地之精氣則死矣。

此言關格之脉而決其爲死也上文言十一藏之藏象矣然胃膽小腸大腸三焦膀胱之脉見于左手寸部曰人迎肝心脾肺腎之脉見于右手寸部曰氣口故靈樞終始經脉四時氣等篇皆云人迎一盛病在足少陽一盛而躁病在手少陽人迎二盛病在足太陽二盛而躁病在手太陽人迎三盛病在足陽明三盛而躁病在手陽明人迎四盛且大且數名曰溢陽溢陽爲外格故此



篇名之曰格陽。正以拒六陰之內。而使之不得出耳。註王

止言手經而不言足經者。未考諸篇大義故耳。又言脉口一盛病在足厥陰。一

盛而躁。病在手心主。脉口二盛病在足少陰。二盛而躁

病在手少陰。脉口三盛病在足太陰。三盛而躁。病在手

太陰。脉口四盛且大且數者。名曰溢陰。溢陰為內關。故

此篇名之曰關陰。正以關六陽在外。而使之不得入耳。

三。止引躁。脉而不兼手足者。其按傷寒論云。寸口脉

浮而大。浮為虛。大為實。在尺為關。在寸為格。關則不得

小便。格則吐逆。跌陽脉伏而滿。伏則吐逆。不化。溢

則食不得入。名曰關格。夫內經諸篇。明以左手人迎

脉大。自一盛以至四盛。乃手足六陽經為病。其名曰格。

故春夏人迎微大者。為無病。今仲景曰。左手為格。又曰。

東垣宗之。且曰。氣口之脉大四倍于人迎。則又同於難

經三十七難之誤。不知內經諸篇之。以八迎大。王氣。口者。為格。味也。內經諸篇。分明。以右手氣口。脈大。有一。盛。以至四盛。乃手是六陰經。為病。其名曰關。故秋冬氣。口數大者。為無病。今仲景曰。在尺為關。又曰。關則不得。小便。是以關。脈誤。為內經之。關。脈。蓋此。事。難。知。集。李。東。垣。宗。之。且。曰。人。迎。之。脈。大。四。倍。於。氣。口。則。又。同。于。難。經。三。十。七。難。之。誤。而。不。知。內。經。諸。篇。之。以。氣。口。大。于。人。迎。者。為。關。脈。也。朱。丹。絳。纂。要。列。關。格。為。病。名。亦。曰。關。兩。寸。俱。盛。四。倍。已。上。是。其。病。名。之。誤。同。于。仲。景。而。脈。以。四。倍。已。上。為。說。則。又。致。止。東。垣。之。誤。而。不。得。內。經。諸。篇。之。精。緒。也。嗚。呼。前。哉。軒。岐。之。書。千。秦。張。王。李。朱。諸。賢。後。世。業。醫。者。所。宗。尚。與。內。經。渺。然。如。此。况。能。使。後。世。下。焉。復。知。關。格。為。脈。體。而。非。病。名。也。哉。又。馬。能。決。關。格。脈。之。死。生。治。關。格。脈。之。病。證。及。治。關。格。閉。證。而。無。繆。也。哉。意。多。矣。又。云。人。迎。與。脈。口。俱。盛。四。部。以。上。則。是。兩。手。寸。部。兼。盛。之。極。也。名。曰。關。格。關。格。者。與。之。短。期。故。此。篇。曰。關。格。之。脈。羸。不。能。極。于。天。地。之。精。氣。則。死。矣。羸。與。盈。同。即。

俱盛之謂也。